

1546. Geogr: 169.

We. 8482.

40



SIDR0011518

Biblioteka Jagiellońska

We 8482

# MOSCOVIA

HOCEST,

De origine, situ, regionibus, moribus, religione, ac Republ.

MOSCOVIÆ

## COMMENTARIVS

Auctore

SALOMONE NEVGEBAUERO

à Cadano.

*Accesit tabula MOSCOVIÆ  
Geographica.*

---

GEDANI

Typis Andreae Hünefeldi.

ANNO

SVpernè Regi Meo à Deo VICTORIA.

322

AUCTOR

ad  
ZOILUM.

EX osibus lectum tibi  
Hic porrigo os, ô Zoile,  
Hoc rode sis, & linquito  
Mî chartulas innoxias.



627596

111111

ILL<sup>mo</sup> ET REV<sup>mo</sup>  
PRÆSULI AC DOMINO  
D. LAURENTIO  
GEMBICKI

EPISCOPO VLADISLAVIÆ  
POMERANIÆQUE

MAGNO POLONIAE CANCELLARIO  
REGNI  
SENATORI EMINENTISSIMO

*Huncce*  
MOSCOVIÆ COMMENTARIUM

*Amicorum persuasû & inducû*  
CONSCRIPTUM:

Ut robusto tanti herois patrocínio  
à Zoilis atque vituperonibus vindicetur,  
Et hoc quali quali publico præconio  
Observant. cultusq; monumentum consecretur:

PRO INSIGNI ILLA BENEFICENTIA

A 2 QUA

QUA ET ANTE TRIENNIUM ME EX GALLIA  
ILL. CUM DD, FIRLEIIS REDUCEM LOBAVIÆ,  
ET PROXIMIS IN COMITIIS VARSAVIÆ,  
illustrem ad mensam sæpius admissum,  
munificâq; tandem cum gratiâ dimissum

INCLITUS HIC MUSAGETA

nullo meo merito liberalissimè affecit:

L. M. Q.

*Instar votiva simul ineuntis anni strenula*

D. D. D.

SOLOMON NEUGEBAUER

à CADANO.

---

A. C. C I C I C X I I

IN

IN  
MOSCOVIAM

*Viri nobilis & clarissimi,*

D. SALOMONIS  
NEUGEBAVERI

à CADANO.

**M**irum, vix quisquam culto reperitur in orbe,  
Cui sit delictum barbara barbaries.

Sunt tamen, ingenti qui perfunduntur amore,  
Cum de barbarie haud barbara scripta legunt.

Moscorum certè qui barbara facta sequatur,  
Nullus erit; quid enim? nil nisi barbaries.

Qui tamen expendant hæc te duce NEUGEBAUERE,  
Percupidèque legant, plurimi, opinor, erunt.


Quidni? sermo brevis, concinnus, & ordo perennis,  
Hæc tria Lectorem suaviter afficient.

JOANNES DEMETRIUS  
GORAYSKI  
à Goray.

A 3

IN

In eandem  
PHALEVCVS  
SBIGNEI GORAISKY  
à GORAY.

 *Ua sermone frequentius feruntur,  
Hac & scripta libentius leguntur:  
Mos est omnibus unice probatus.*

*Quem noster bene novit ille NEVGEB-  
BAVER, sedulus ille singulorum,*

*Acta qua, vel aguntur, annotator.*

*Hoc scripto iubet esse notiozem*

*Nobis MOSCOVIÆ situm atque ritum,*

*Quam dudum celebramus ore passim.*

*Hinc amplum tibi surgit argumentum*

*Laudis, & meritò vidèze dignus,*

*Cui Musa aureolam parent corollam.*

Benevolentia ergò  
script.

JOHANNES DEMETRIUS

GORAISKY

à GORAY.

M' LAUBANI

M. LAUBANI  
IN  
MOSCOVIAM

*Nobil. & prastant. viri*  
SALOMONIS NEVGEBEVERI  
à Cadano Borufsi

EPIGRAMMA.

**F**Abula nunc Mosci sunt publica in omnibus oris;  
Symposia hos passim, compitaque ipsa sonant.  
Longa gravisque tamen fuerit via, plenaque damni:  
Si loca ames propriis nunc ea nosse oculis.  
En tibi sed medium se NEVGEBÆRVS obinfert,  
Nostræ & avitæ auctor commodus historiae.  
Arte suâ nobis sumptuque dat hacce papyro;  
MOSCOVIAM extra ipsam cernere MOSCOVIAM,  
Flumina, agros, silvas, urbes, sacra, jura, penates,  
Cum populo ditces quisque deinde domi.  
Regna SIGISMUNDO qui Moscoviana, quod opto,  
Dedet: inoccidua hunc gloria laude vehet.  
Regna cuique offers qui Moscoviana: deinceps  
Gloria sit dispar NEVGEBÆRE tibi?

ΕΙΣ ΤΑΥΤΗΝ  
**ΤΗΣ ΜΟΣΚΟΒΙΑΣ**  
 ΙΣΤΟΡΙΑΝ.

Ἰσθρίην Συγγραφόμενος, καὶ πάντα κατ' αἴσθησιν  
 ἐν τῇδ' εὐφρονέων Συγκατατάξόμενος,  
 πρῶτος πειρώσας τηρεῖται: τὸν χρόνον, αὐτὸς  
 τὸν τόπον, ἀνθρώπων ἤθεα καὶ φύσιν:  
 νημερτὲς τε καὶ ἀτρεκέως λέγειται, καὶ ἀμέμπτος:  
 πρὸς χάριν, ἢ μᾶλλον μὴ ποτ' ἀποβλεπέτω.  
 ἰσθρίης νόμος ἐστὶ σαφῶς, φανερός, καὶ ἀληθῶς,  
 ἀτρέτως τ' ἀνδρῶν ἤθε ἀποκρίσθαι γράφει.  
 ἰσθρίη ΣΑΛΟΜΩΝ' παῖδε ΝΕΥΓΕΒΑΗΡ' ἐνὶ τῇδε  
 ΜΟΣΚΟΒΙΩΝ μερόπων πάντ' ἐφύλαξεν ἐγὼ.  
 ἰσθρίης τηρεῖ νόμον, ἕνεκα τὸ κλέος αὐτῆς.  
 Ἐστὶ τὸ θανάτῳ ἀμμορον, ἀΐδιον.

ΑΔΑΜ ΦΡΕΙΤΑΓΙΟΣ  
 πρῶτος.



**MOSCOVIAE**

CAPUT I.

*De Moscorum origine, linguâ, nomine,  
 & potentiâ.*

**M**OSCI gens seu potius progenies Russo-  
 rum, olim teste Plinio Roxolani dicti sunt,  
 quos tamen commutata aliquantulum litera  
 Ptolomæus tabula Europæ octava Rosola-  
 nos nominat, communiter olim Rusli dicti, nomen â  
 quodam RUSSO fratre seu nepote LECHI Polonorū  
 principis, vel ab oppido vetusto Russo nuncupato, non  
 longè à Novogrodo sive Novogardia magna, vel etiâ  
 à fulco gentis ejus colore sortiti sunt. At enim Moscī ad  
 veritatē propiūs accedentes, Rossejam antiquis appel-  
 latam asserunt, quasi gentem dispersam seu dissemi-  
 nam, id quod nomen ipsum indicare videtur: Rosseja  
 enim Ruslis disseminatio seu dispersio dicitur. Quod  
 ita se habere, varij populi incolis etiamnum permixti,  
 & diversæ provinciæ RUSSIÆ passim immixtæ ac  
 interjacentes palàm testantur. Moscis ut origo, ita  
 & lin-

Mosco-  
 rum eti-  
 80.

Moscorū  
 lingua;

B

& lingua communis est cum Russis, Polonis, Casubijs, Silesijs, Bohemis, Moravis, Bulgaris, Croatis, Raſciis, Serbijs, Illyrijs, ac universo nomine Slavonico, licet dialectis adeo variant, ut nonnulli ex his populis vix se invicem intelligant. In hanc linguam libri sacri non pauci operâ divi Hieronymi & Cyrilli translati sunt. Præter quoque annales patrios Alexandri etiam Magni, Romanorumque Cæsarum, itemq; M Antonij & Cleopatæ memoriam iis commendatam literis tenent. Acceperunt autem nomen Mosci, vel ab urbe MOSQUA, illius regionis metropoli & regiâ Principis Moscorum, vel, ut alius, & quidem rectius, placet, à MOSQUA fluvio urbem alluente. Genus Rusiæ Principum referunt annales Rusfici ad VARAIOS fratres tres, Ruricum, Sineum, & Truborum, qui circa annum Christi octingentesimum sexagesimum primum apud Russos Septentrionales regnasse feruntur. Ac RURICUS quidem natus major Novogardiæ, reliqui duo fratres aliis Rusiæ partibus Biælojeziorensi & Isborensi præfuere, quibus tamen non multo post, nullâ prole relicta, defunctis, Ruricus in ditionibus illis successit, & filium IGORUM post se reliquit. Hic ex Olga Pleſcoviensi filium SVENTOSLAUM sive Stoslaum suscepit, qui multa cum vicinis bella gessit, tandemque ab illis cæsus est, filijs

Moscorum nomen.

Origo Principum Moscorum.

tribus, Ieropolco, Olega, & Ulodimiro, inter quos adhuc vivens principatum partitus erat, relictis. Et IEROPOLCO quidem Kioviam, OLEGO Dreulanos (qui fortè Bulgari sunt, à lignis vel sylvis ita dicti) VLODIMIRO verò è Malusâ concubina procreato Novogardiam concessit. Hic fratribus, qui bellum ipsi intulerunt, à se peremptis, Rusia potius est tota. Ab hoc omnes dein Rusiæ Principes profectos, proditum est. Is enim, cum duodecim reliquisset filios, Rusiæ principatum inter eos sic divisit, ut Visſellao natus majori Novogrodum, Izaſlao Poloscum, Stopolco Tuveram, Iaromiro Rostoviam tradiderit. Nec multo post defuncto Visſellao, attribuit Novogrodum Iaroslao, Rostoviam Borisſo, Glebo Muromum, Stoslao Derevos, Vusevolodo Vulodimiriam, Mescislao Torocanum, Stanislao Smolenscum, Sudislao Pleſcoviam, Podvviso Volyniam. Verum ij partitione paterna non contenti, post mortem eius bellum inter se civile concitabant. Ex his SVENTOPOLCUS, qui cognita patris morte Kioviam occuparat, duobus fratribus Glebo & Borisſo, qui postea à Russis in divorum numerum relati sunt, dolo occisis, à Jaroslao tertio fratre cæſorum necem ulciscente, superatus, & Kioviensi principatu ejectus, in Poloniâ ad BOLESLAUM Regem confugit, cujus ro-



gatu Boleslaus adversus Iaroslauum expeditionem suscepit, eumque profligavit. Post illos ULODIMIRUS cognomento Monomachus Iaroslai ex Vusivolodo nepos, cuius adhuc hodie apud Russos nomen est, imperio potitus fuit. Quod interpellatum quidem interim à posteris Sventoslai, qui avitum recuperare principatum conati fuerant, penès Vlodimiri posteritatem nihilominus remansit, ac sequentibus temporibus Andreas Susdaliensis Dux, ab eadem Vlodimiri stirpe profectus, foedere cum undecim aliis cognatis ducibus inito, eiectis Vlodimiri monomachi posteris, qui Kioviā tenuerunt, MICISLAUM filium ei imposuit. Hic primus principatū in Susdaliensem domū imperii que domicilium Vlodimiriam transtulit, cum initio imperii Russici sedes Novogardiæ, inde Kioviæ, posterioribus verò temporibus, priusquam Moscoviam à Daniele Moscorum Principe ALEXANDRI filio transferretur, Vlodimiræ fuisset. Eum Principatum qui tenebat, licet imperium in reliquos cognatos Duces non haberet, Magni tamen Ducis nomine utebatur, dignitateque ac honore, cæteris maiestatem eius comiter observantibus, antecedebat. Cumque honoris antea vel successione, vel reliquorum omnium studiis uni deferretur, interdum vi & armis

armis occuparetur, postquam eos Tartari sibi subiecissent, GEORGIO Principe victo cæsoque, ab iis peti cœpit. Ab illo enim tempore Russi Tartaris tributarii fuere, atque ex ipsorum arbitrio Duces sibi constituere. Danieli successit filius natu minimus IOHANNES cognomento Kaleta, quod assidue ad erogandas elemosynas peram secum gestaret. Huius filii fuere Simeon, Johannes, & Andreas. SIMEONI pater Vlodimiriam & Moscoviam adsignavit, cui absque liberis mortuo successit IOANNES frater, qui filium habuit DEMETRIUM, ex quo nati sunt Basilius, Georgius, Andreas, Constantinus, & alii tres. BASILIUS post patrem imperavit. Hic, filio suo cognomini ob matrem adulterii suspectam præterito, moriens fratri GEORGIO gubernacula tradidit, qui nepotem diu in vinculis detinuit. Moriturus tamen, quamvis duos haberet filios, Andream & Demetrium; (conscientia fortè per mortis) BASILIO nepoti imperium tradidit. Cui postea patruelles, conspiratione contra eum facta bellum faciunt, eumque regno exuunt, ac tandem oculis privant. Verum à Novogardensibus adjutus, imperium recuperavit, & pacatè illud obtinuit. Successit illi IOANNES filius, qui rebus Russicis obscuris adhuc magnam claritatem attulit, primusque eam, ad quam

quam nunc excreverunt, potentiam fundavit. Ducum reliquorum filios & nepotes, quos potuit, e medio sustulit. Novogardiam Magnam, totius Septentrionis emporio celeberrimam urbem, per fraudem cepit, & in servitutem redegit, & complures arces atque castella finitima, quæ magno Ducatui Lithvanianæ parebant, sui juris fecit. Primus hic Polonis & Livonibus bellum intulit, Tartarorumque jugum primus excussit. Pari ratione filius eius **BASILIVS** potentiam, cuius pater fundamenta jecerat, in imensum ferè auxit. Smolenscensem Ducatum **SIGISMUNDO** Regi Poloniae proditione Michaelis Glinscii Rusi Ducis eripuit. Casanos terra marique oppugnavit, duces agnatos ditionibus suis privavit, & Plescoviam civitatem liberrimam ac ditissimam suæ potestati subiecit. Ei successit **IOANNES BASILIDES** cognomine, qui Casanensè & Astracanensè regna suæ potestatis fecit, & mari Caspio in potestatem accepto, ad Persidem ferè imperium protulit. Livoniæ maximam partem per Livonum disensionem occupavit, Polociam temporibus Augusti Regis cepit, cum Svecis prospero successu bella gessit. Eò denique potentia pervenit, ut non finitimis modò, sed remotioribus etiam quibusque gentibus terrori esset, omnesque alios Principes præ se contemneret

neret ac nullam gentem esse existimaret, quæ potentiam atque opibus secum contendere posset, aut auderet. Huic ex priore conjugè Anastasiâ duo fuerunt filii, Ioannes & Theodorus: ille acer & impiger, hic stupidus, & ad regni gubernacula inhabilis. Ac Ioannes quidem post à patre scipione ferrato percussus, magno cù patris dolore obiit, tyrannus verò matrimoniû aliquoties cù nobilibus quibusdâ puellis repetijt, easque, ni intra menses aliquot prolem conciperent, in monasterium detrusit. Tandem ex septima, quam id temporis, cùm Rex **STEPHANUS** felicissimæ memoriæ Vielicoluco in potestatem suam redacto ingentes in Moscoviam copias admirabili cum terrore omnium circumduceret, duxit, filium Demetrium suscepit. Cùm verò Mosci matrimonii iterationem admodum detestentur, ac quartum, ne dum septimum, pro illegitimo & Christiano homine indigno habeant, Demetrius hic non admodum in precio habitus cum matre in Ducatum Susdaliensem ablegatus est, ibique à Præfecti sui filio cultro læsus, miserè periisse perhibetur. De quo tamè alii aliter. **IOANNI** Basilidi extincto successit filius **THEODORUS**, ingenij stupiditate laborans, cui pater Consiliarios ex præcipuæ notæ proceribus quatuor adjunxit, qui novi principis ac Reipublicæ salutem curarent. Sub quo Mosci

Mosci liberio rem vivendi rationem ingressi, facultatibus amplificandis operam dederunt, aliumque & quidem politioris victus corporisque cultum secuti sunt. Cùm verò annis tredecim imperio præfuisset, tandem absque prole ex hac vita excessit. Huic successit BORISSUS HODUN, cujus sororem Theodorus defunctus princeps sine matrimonio habebat, unanimi omnium consensu ad regni gubernacula vocatus, quòd cùm vivo adhuc Theodoro summam rerum obtineret, comitate ac benevolentiam multorum animos sibi conciliaisset. Ad fastigium hoc evehctus, summam in imperio constituendo prudentiam usus est, ac militibus primùm omnibus ac præsidarijs stipendia persolvit, Germanis ex Livonia annis superioribus in Moscoviam abductis liberam ad suos redeundi facultatem, reliquis verò manere volentibus privilegia atque immunitates concessit, virginibus etiam pauperioribus dotes ac vestimenta largitus est. Hoc ita imperium administrante, DEMETRIUS in Polonia redivivus factus est, qui secundùm alios aliquot ante annis Borisijussu, ne ipsi ad imperium obstaculo esset, cædi destinatus erat, sed astu puer eiusdem ætatis, & vultu non absimilis subornatus, ejus in locum interfectus est. Interim hinc inde in monasterijs apud suos educatus, in Russiam tandem pervenit, fortunamque suam ac

genus

genus Constantino Visniovecio Duci, & dein Georgio Mnischek Palatino Sendomiriensi indicavit, adeò constanter, ut quibusdam signis fidem plerisque faceret. Itaque quinque milibus militum clam conscriptis, quibus deinde non parva manus limitaneorum, eorumque veteranorum accessit, duce Palatino Sendomiriensi in Moscoviam contendit. Ac primùm quidem cum exercitu Borisij, ad quem jam fama de Demetrio pervalerat, collatis signis coaffixit, variam initio fortunam, sed post Demetrio in fugam acto. Quacumque clade accepta Demetrius Rilsicum arcem profugit, ubi non exiguam suorum partem è fuga collegit, ac per dies aliquot corpora refici juslit. Quò loci haud multò post Borisij exercitus ad Demetrium inde expellendum venit, quo cum Demetrius congressus, eos non paucis interfectis fudit fugavitque. Ad quam fortunæ inclinationem quinque opportunæ situ arces unà cum subjectis territoriis sponte se Demetrii potestati permisere. Dum hæc fiunt, Borissus audientis exterorum Principum legatis vacans, repente non sine veneni suspicione mortem obit. Quam secuta est magna animorum mutatio. Demetrius enim ex incerto certum sibi regnum habere visus, ipsam Moscoviam metropolin nulla morâ interposita ingressus, ingenti populi acclamatione magnus Dux salutaris, ac

C paulò

paulo post diademate insignitus est. His peractis, & provinciis, ut videbatur, tranquillatis, legatum in Poloniam ad Regem misit, petendum, ut sibi MARIANAM Georgij Mniscij Palatini Sandomiriensis præclare de se meriti filiam ducere uxorem liceret. Cum qua post anno sequenti nuptiæ magno splendore in ipsa Moscoviæ metropoli celebratæ sunt, & nuptiis non dum finitis à suis crudelem in modum trucidatus est. Atq; hæc de origine, situ, ac potentia Moscoviæ Principum pauca præmissa sunt.

## CAPUT II.

*De amplitudine ac terminis M. Ducatus Moscoviæ.*

Magni-  
rudo  
Mosco-  
viæ.

Protenditur autem Moscorum Principis imperium adeo longè latèq; ut aliquot Asiæ spacia cõplectatur, aliquot etiã Europæ, ea que minimè parva. Sunt qui illud in longitudinẽ ad septingenta milliaria Polonica seu Germanica obtinere affirmant, à Livoniæ finibus usq; ad Iuhoriam in Asia: in latitudine verò ad mare Caspium ad sexcenta. Bilibaldus Pirckheimerus Norinbergensis, qui vixit tempore Basilii magni Ducis Moscorũ, in Germaniæ suæ descriptione asserit, Moscorũ dittonem per quingenta milliaria Germanica & magna quidem in orientem se extendere. Cui sententiæ evidenter subscribit Mathias Miechovius rerum Polonicarum non indiligens scriptor in sua Sarmatia Europæa, dum à Smolensco per Moscoviam urbem ad Orientem progrediendo usq; ad Iuhoriam sive Iuhram, qui Moscoviæ terminus versus Scythiã est, quingenta milliaria integra numerat. Accessere post Casanense & Astracanense Tartarorum regna, à IOANNE BASILIDE tyranno Moscoviæ

Moscoviæ adjecta, quæ ferè ad ducenta milliaria patent. Est igitur MOSCOVIA hinc inde varijs gentibus contermina: à meridie atq; oriente Tartaris cingitur, septentrionale latus Oceanus Scythicus ambit, ad occidentem tenent Lapones gens sylvestris, nec ulli populo commercio linguæ nota. Post hos Austrũ versus incolunt Sueci, Finlandi, Livones, & juxta hos Litvani.

## CAPUT III.

*De Chorographia Moscoviæ, ac primùm de Ducatibus.*

CONTinet autem Moscovia in se Ducatus, provincias, regiones, & populos varios. Ac inter Ducatus quidem MOSCOVIA principatum tenet, provincia nec lata nimis, nec fertilis: cujus fœcunditati ager ubique arenosus, qui mediocri siccitatis aut humiditatis excessu segetes enecat, plurimùm officit. Accedit ad hæc aspera nimis aëris intemperies, quæ hyemis rigore solis calorem superante sata quandoq; ad maturitatem non perveniunt. Etenim tam intensa ibi nonnũquam sunt frigora, ut quæadmodũ æstatis tempore apud nos æstu nimio, sic ibi frigore immenso terra in hiatus discedat: aqua etiam tum in aërem effusa, sputumque ex ore projectum, antequam terram contingat, gelentur. Tota porrò regio non ita diu admodum silvosa fuit, id quod ex magnarum arborum truncis, qui etiamnum extant, apparet. Quæ quamvis agricolarum studio ac operâ satis culta sit, ijs tamen, quæ in agris

proveniunt, exceptis, reliqua omnia ex circumjacentibus provinciis eò afferuntur. Nam frumento oleis que abundat communibus: cerasa dulciora, nucesque (avellanis tamen exceptis) inibi non reperiuntur. Aliarum arborum fructus habent, sed in suas ves. Melones autem singulari cura ac industria seminant, terram fimo permixtam in areolas quasdam altiores componunt, inque eas semen condunt. Hac arte calori ac frigori immoderato aequè succurritur. Nam si fortè æstus nimius fuerit, rimulas tanquam spiracula quædam, ne semen calore nimio suffocetur, per fimum terræ mixtum faciunt: in frigore verò nimio lætaminis calor seminibus reconditis præstat auxilium. Melle hæc provincia ferisque præter lepores caret. Animalia nostris longè minora sunt, neque tamen cornibus destituuntur, ut Meehovius refert in Sarmatia Europæa. Jam verò urbs ipsa MOSCOVIA inter reliquas Septentrionis civitates eminentissima, orientem verùs multum porrigitur, tota lignea satisque ampla, quæ procul spectantibus amplior, quam re ipsa sit, apparet. Nam horti areæque in qualibet domo spaciôsæ magnam Urbi accessionem faciunt, quam fabrorum aliorumque opificum igni utentium extra civitatem longo ordine protensæ ædes, inter quas sunt prata & agri, etiam adaugent. Ab urbe haud longius

Mosco-  
via civi-  
tas.

longiusculè domunculæ quædam apparent, & transfluvium villæ, ubi BASILIUS Moscorum princeps satellitibus suis novum oppidulum Nali (quod eorum linguâ infunde significat) condidit, eò quòd cum alijs medonem cerevisiamque bibere, exceptis paucis diebus in anno, prohibitum sit, ijs solis bibendi potestas à Principe permiffa sit: atque ob eam rem, ne cæteri illorum conviciu corrumpere, à reliquorum consuetudine sunt sejuncti. Propter urbem sunt quædam monasteria, quæ vel sola longè prospicientibus una quædam civitas esse videntur. Porrò vasta civitatis magnitudo facit, ut nullo certo contineatur termino, nec muro, fossâ, propugnaculisvè commode muniri queat. Plateæ tamen quibusdam in locis, trabibus transversim ductis, obstruuntur, adhibitisque custodibus ad primam noctis facem ita obfirmantur, ut nemini noctu aditus post statam horam illac pateat; postquam qui deprehensi fortè fuerint à custodibus, aut verberantur spolianturque, aut in carcerem compinguntur, nisi vel noti honestique viri fuerint (nam hi à custodibus ad sua deduci solent). Atque tales custodia, quâ liber in civitatem patet aditus, locari solent; reliquam enim urbis partem Mosqua fluvius circuit, in quem sub ipsa urbe lausa illabitur, qui ob altas ripas rarò vadari potest. In hoc molendina

complura in publicum civitatis usum fabricata sunt; hisq; fluviis civitas non nihil munita esse videtur, quæ præter paucas ædes lapideas, templa, atq; monasteria, prorsus lignea est. Aediū ea in urbe numerus vix credibilis refertur. Civitas hæc tam ampla atq; vasta, admodum lutosa est, quā ob rem in vicis ac plateis, aliisq; celebrioribus locis, pontes passim extructi sunt. Est in ea castrū, ex lateribus coctilibus coagmentatū, quod ab una parte Mosqua, ab altera Neglina flumine alluitur. Castrū autē tantæ magnitudinis est, ut præter amplas ac magnificè exædificatas ex lapide Principis ædes, Metropolitanus Episcopus, Principis item fratres, proceres, alijque quamplurimi spaciosas in eo ædes ligneas habeant. Ecclesiæ ad hæc in eo multæ, ut amplitudine sua civitatis propemodem formā repræsentare videantur. Hoc roboribus tantum initiò circumdabatur, atq; ad magni Ducis Ioannis tempora usq; parvum ac ignobile erat. Eius castrī propugnacula, basilicæ, cum principis palatio more Italico erecta sunt. Multæ autem in hoc sunt ecclesiæ, ligneæ fermè omnes, duabus tamen insignioribus, quæ ex lateribus constant, exceptis: quarum altera divæ Virgini, altera divo Michaëli Archangelo est sacra. Regionis cœlum adeò salubre est, ut ibi ultra Tanais fontes, præsertim

Mosco-  
via cæli  
quale,

tim in Septentrionem, atque etiam magna ex parte Orientem versus, memoriâ hominum nulla unquam pestis sævierit. Habent tamen interdum intestinorum & capitis morbum quendam, pesti haud dissimilem, quem ipsi calorem vocant, eo qui corripuntur, paucis diebus pereunt. Accū in tam salubri regione degant, si quando Novogrodi, Smolensci, ac Plescoviæ pestis grassatur, quoslibet illinc venientes regione suâ metu contagij excludunt. Incolæ huius Provinciæ omnibus astutiores & fallaciores esse perhibentur, fluxa imprimis in contractibus fide, cuius rei ipsi haud ignari, si quando cum externis commerciis habent, quò majorem fidem obtineant, non Moscos se, sed advenas esse simulant. Longissimus hîc dies in solstitio æstivo septendecim horarum cum tribus quadrantibus esse fertur. Certi poli elevatio sciri non potest, quamvis nonnulli quinquaginta octo graduum se accepisse dicant. Quidam factò per astrolabium periculo, utcunque solem nono Junij die in meridiem observatum quinquaginta octo graduū referūt. Ex qua observatione, computatione hominum harum rerum peritorum, deprehensum est, altitudinem poli quinquaginta graduum esse; longissimum autem diem septendecim horarum & unius quadrantis,

Orienti

Velodi-  
mirienfis  
Ducatus

Orienti obvertitur **VULODIMIRIENSIS** Ducatus, cujus ager adeò est frugifer, ut ex uno tritici modio sæpè viginti, nonnunquam triginta modij proveniant. Eam Clesma fluvius præterfluit, cætera sylvæ magnæ vastæque cingunt. **CIVITAS** ipsa magna, sed quæ castrum ligneum sibi conjunctum habet. Hæc à tempore **VULODIMIRI** (post Basilij dicti) qui eam condidit, nomenque suum indidit, Rusiæ metropolis fuit. usque ad Ioannem, qui inde sedem in Moscoviam transtulit. Sita est inter Volgam & Occam, triginta sex à Moscovia in Orientem miliaribus. A Vlodimiria viginti quatuor miliarum rectâ in Orientem in vastis sylvis Ducatus olim fuit, cujus populi Muromani vocabantur, animalium pellibus, melle, & piscibus abundantes.

Novo-  
grodii in-  
ferioris  
Ducatus

Novo-  
grodum  
civitas.

A Vlodimiria in orientem ulteriùs procedendo, **NOVOGRODIÆ** inferioris Ducatus incurrit, qui Vlodimiria fertilitate rerumque copiâ æquat. In hoc Ducatu est civitas ampla ac lignea **NOVOGRODIA** sive Novogardia dicta, à qua & regio ipsa nomen accepit, emporio longè nobilissima, cui ob lini ac canabis optimi abundantiam inter reliquas Moscoviæ urbes faciliè datur palma. Sita autem est ad Volgæ & Occæ fluviorum confluxum. Castrum huic civitati adhæret, quod **BASILEIUS** Princeps ex lapide

lapide in scopulo posuit, contra Czeremissorum impressiones. Distat autem à Moscovia centum miliaribus, & facit Christianæ religionis terminum. Nam licet Moscorum Princeps ultra Novogardiam hanc castrum, quod Sura à fluvio ejusdem nominis indigitatur, habeat; tamen intermixtæ sunt gentes Czeremissi & Mordvvi, qui Mahometanam superstitionem amplectuntur.

A Novogrodia inferiori ad occidentem nihil reflectendo **REZANENSIS** Ducatus inter Occam & Tanaim fluvios situs est. Hæc cæterarum omnium est fertilissima provincia, in qua, ut fertur, singula grana frumenti binas quandoque pluresve spicas proferunt, quarum culmi tam dense succrescunt, ut nec equi facile transire, nec coturnices inde evolare possint. Mellis, piscium, avium, ferarumque ibi magnus proventus, arborum etiam fructus longè Moscoviæ fructibus nobiliores. Gens animosa atq; bellicosa. In hoc Ducatu est homonyma civitas lignea juxta ripam Occæ. Erat in ea castrum, quod **IAROSLAVUM** vocabatur, cujus nunc præter vestigia nil extat. Prope oppidum hoc Occa fluvius insulam efficit, quæ **STRUP** dicitur, ingens olim Ducatus, cujus princeps nemini subjectus erat, qui jam funditus extinctus est. **TULLA** oppidum quadraginta ferè

Rhezan-  
en: Du-  
catus.

Rhezan-  
civitas.

D

millias

milliaribus à Rezano, à Moscovia verò in meridiem triginta sex miliaribus distat: estque ultimum oppidum ad campestria deserta, in quo BASILIUS castrum ex lapidibus construxit, quod fluvius ejusdem nominis præterlabitur. Uppa verò alius fluvius ab Ortu castrum alluit, Tullæque fluvio junctus, Occam supra Vorotinum viginti ferè miliaribus influit, à cuius ostiis non ita procul O D O I O V V castrum est positum. A castro Odojoyv non nihil in meridiem reflectendo, M S C Z E N E K locus palustris est, in quo etiamnum vestigia extant. Circa hunc locum adhuc quidam habitant, qui necessitate imminente in paludes illas ceu castrum refugiunt. **CORSYRA** in ripa Occæ fluminis oppidum est ligneum, à Rezano viginti octo miliaribus distans. Habebat aliquando sui juris dominum, sed nunc in ditionem Moscorum Principis redactum est. **COLUGA** oppidum & castrum ligneum ad Occam fluvium, triginta sex miliaribus à Moscovia abest. Conficiuntur ibi affabrè cælata pocula lignea, aliæque ex ligno res ad cultum domesticū pertinentes, quæ inde in Moscoviam, Litvaniam, aliasque conterminas regiones passim deferuntur. Solet eo in loco Princeps quotannis præsidia sua contra Tartarorum incursiones habere.

**VOROTINENSIS** Ducatus cum civitate

Corsyra  
opp.

Coluga  
opp.

rate & castro cognomini, ad Occam flumen sito, tribus supra Colugam miliaribus abest. Vorotin:  
Ducatus.

A Moscovia in meridiem dextrorsum si iter faciendum sit, **SEVERIENSIS** Ducatus se ostendit, qui à Borysthene ad Mscenecum oppidum longè latèque extenditur, ac densissimis ferarum silvis clarus est. Ager quatenus colitur, ferax est: silvæ hermillis, aspreolis, martibus, & melle plurimum abundant. Gens propter assidua cū Tartaris bella acris & strenua. Erant autem Duces Severienses primùm juris Polonici, sed postea magnis Lithvaniæ Ducibus permultos annos parebant. Tandem à **CASIMIRO** Poloniæ Rege, magnoque Duce Litvaniæ, ad **IOANNEM** Moscorum Principem ultro defecerunt, non magnâ re offensi, nempe quòd cū Vilnam venissent ad Regem, quodâ tempore intromissi nō sint. Cūmq; unus ex illis importuniùs urgeret, ac digitum foribus paulùm adaperitis inseruisset, janitor eundem attractis vehementiùs foribus prescit, & confregit. Ac luit quidem capite pœnam janitor, non tamen eo Principum ira fatiata fuit: quin ij rectà ad Moscum profecti, ei se suaq; omnia subjecerunt. Verùm tandem, prout aliis multis Moscorum Duci subjectis contigit, perfidiæ innocenter accusati, à **BASILIO** tyranno principatu exuti sunt. Castra oppidaq; in eo sunt non pauca,

Severien.  
Ducatus.



Novo-  
grodecū  
Severi-  
ense.

inter quæ Novogrodecum Severiense dictum, Staro-  
dubum, Potivolum, Czernihovum, & Branscum ce-  
lebriora sunt. NOVOGRODECUM oppidum & arx lig-  
nea, in qua olim Ducū Severiensium sedes erat, distat  
à Potivolo octodecim, à Starodubo verò quatuordec-  
cim miliaribus. Ad hoc oppidum à Moscovia dex-  
trorsum meridiem versùs per Colugam, Vorotiniam,  
Serenscum, & Branscum centum quinquaginta mil-  
liaribus pervenitur. Czernihovum triginta à Kiovia  
miliaribus, totidem à Potivulo abest. Starodubum  
à Potivulo triginta duobus: Potivolum verò à Mos-  
covia centum quadraginta, Kioviâ sexaginta, Bran-  
sco triginta octo miliaribus distat. Euntibus Poti-  
volo in Tauricam per solitudinem, fluvij Sma, Samara,  
& Ariel occurrunt, ex quibus posteriores duo latius  
profundioresque sunt: in quibus trajiciendis dum  
viatores diutius nonnunquam detinentur, à Tartaris  
sæpe circumveniuntur capiunturque. Post hos Ko-  
inskavoda, & Moloscha fluvij se ostendunt, quos  
novo quodam trajectionis genere superant: reflectas  
arbusculas in fasces colligant, quibus se suaque impo-  
nunt, atque ita remigantes secundo fluvio in alterum  
littus deferuntur. Alij hujusmodi fasces caudis equo-  
rum alligant, qui flagris impulsī, natantes in pte-  
rius

rius littus, homines secum trahunt, transferuntque.  
Sequitur SMOLENSCENSIS Ducatus urbe ingenti insignis, ad Borysthenem fluvium  
exædificatâ. Arcem muro cinctam in ulteriori flu-  
minis ripa habet, in qua plurima ædificia lignea in  
civitatis formam extructa sunt. Hanc una ex parte  
Borysthenes munit, ex altera verò fossis profundis, sti-  
pitibusq: acutis munitur: in medio autem arcis tem-  
plum divæ Virginis in scopulo locatum est. Hanc  
urbem & arcem BASILIUS Moscorum prin-  
ceps sæpius, & quidem graviter oppugnabat, sed no-  
vercante belli fortunâ nil efficere potuit, donec Mi-  
chael Glinicius Dux Rusus ad prædictum Basilium,  
interfecto per insidias Ioanne Zabrezinio, magno  
Lithvaniæ Marechalco, rerum tum potiente SIGIS-  
MUNDO I. profugit, & arcem SMOLENS-  
SCUM denuò ingentibus cum copiis Moscorum  
acerrimè obsedit. Cùm verò nec obstinatâ oppug-  
natione, nec terribili tormentorum apparatu ac vi-  
quicquam profecisset, ad dolos & machinas argente-  
as confugit, præsidioque largitionibus corrupto, haud  
magno labore SMOLENSCO potitus est, centesimo,  
postquam à VITOLDO magno Lithvaniæ  
Duce Lithvaniæ adjecta fuisset, anno. Quæ recens di-

Smolen-  
scen Du-  
catus.

vino favente numine & auspiciis SIGISMUNDI III Regis victoriosissimi vix per sesquianni spacium obsidione cincta, tandem in potestatem regiam venit. Quam fortunam ut Deus perpetuare sinat, optandum meritò. CIVITAS ipsa in valle sita, colibus undique & silvis spissis, quibus pellium diversarum multitudo provenit, circumvallatur. Distat autem SMOLENSCUM à Moscovia octoginta miliaribus, quamvis communiter centum computentur. Hunc principatū sub BASILIO Moscorū principe VITOLDUS magnus Litvaniæ Dux Moscis anno supra millesimū quadringentesimū decimo tertio ademerat. Eundem BASILIUS anno millesimo quingentesimo decimo tertio SIGISMUNDO I Poloniae Regi eripuit. Sunt & alia hujus Ducatus oppida & castra, videlicet Drohobus & VViesma, oppida lignea ad Borysthenē posita, quorum illud à Moscovia septuaginta duobus, à Smolensco octodecim miliaribus: hoc verò à Moscovia quadraginta, à Mosaisco viginti sex, à Drohobus octodecim miliaribus abest. MOSAISCUM quoque oppidum & castrum ligneum, circa quod magna diversicolorū leporū copia est, soletque ibi Princeps quotannis venationes instituire suas, ac Principum diversorum oratores audire. Distat autem à Moscovia meridem versùs octodecim milia-

Smolenscum civitas.

Mosaiscum oppidum.

miliarium intervallo, à Viesma verò viginti sexte amplitudinis nō est, ut longā opus sit commemoratone. Habebat quondā proprii juris Principē, qui Litvaniæ Principibus tributarius erat. In hoc Principatu BIELA civitas cū castro Obschæ fluvio vicina est, in vastis silvis. Itaque à Moscovia sexaginta, à Smolensco verò triginta sex miliaribus abest.

RSOVIÆ Ducatum Volga fluvius celebrem facit, in quo civitas & arx lignea ejusdē nominis Volgæ ripis proxima conspiciuntur. Distat autem à Moscovia Occidentem versùs viginti tribus miliaribus. Ultra hanc civitatem aliquot miliaria Occidentē versùs procedendo, silva est Wolkovvkskies dicta, in qua palus Vronovv, ex qua fluvius quidam emergit, duobus miliaribus emensis, in lacum Volgo influens, unde rursus aquarum multitudine adauctus egreditur, Volgaq; à lacu, ex quo ortum habet, indigitatur. Oppida Ducatus hujus sunt VOLOCZ civitas & castrum, ad Occidentē æquinoctiale viginti quatuor miliaribus à Moscovia sese protendentia, à Mosaisco duodecim ferè, à Tvera viginti. Hic Princeps Moscoviæ quotannis consuevit animū, falconibus lepores insectando, relaxare. WIELIKOLUKI castrum & oppidum in occidentem, à Moscovia centum quadraginta, à Novogoræ

Bielæ Ducatus.

Rsoviæ Ducatus.

Volocz oppidum & castrum.

Novogardia magna sexaginta ferè, Polocia verò triginta lex miliaribus distat: ab amplitudine ac frequentia urbis circumjacentis regionis totius amœnitate nomen induit, estque ab utraque fluminis ripa arcilatisimè circumjectum, quamvis mœnibus ac turribus ligneis, fossis etiam satis amplis munitum. Arcem hanc sanè munitissimam divus STEPHANUS Rex in bello Moscovitico feliciter oppugnavit & expugnavit. TOROPECZIA castrum cum civitate inter Vuelicolum ac Smolenscum ad confinia Litvaniae, à Vielicoluco octodecim ferè miliaribus abest.

Toropeczia  
op. &  
castrum.

Hæc arx cum cæteris sibi adjacentibus, videlicet, Drohobus, Biela, & Bransco bona cum Severiensis Ducatus parte uno eodemque tempore per deditionem in Moscorum Principis IOANNIS BASILII potestatem devenerunt, regnante tum Alexandro Poloniae Rege, magnoque Litvaniae Duce.

Tuerensis  
Ducatus.

TVUERENSIS Ducatus ampla olim ditio, una ex magnis Russiae principatibus, ad Volgam fluvium, triginta sex miliaribus in occidentem æstivalem à Moscovia distans, habet oppidum ingens, quod Volga interfuit. In altera autem ripa, quæ Tuerza Moscoviam spectat, castrum habet, ex cuius opposito Tuerza fluvius Volgam influit. Porro CIVITAS hæc sedes erat Episcopalis, vivente IOANNE Moscorum

Tuera  
opp.

scorum Principe Basilij patre, quo tempore Tverensem principatum magnus Dux BORIS tenebat. Cuius postea filiam Mariam JOANNES Moscoviae Princeps uxorem duxerat, ex eaque Ioannem primogenitum susceperat. Borisso autem mortuo MICHAEL filius successit, qui postea à sororio suo Moscorum Principe Ioanne ejectus, exul in Lithvania vitâ defunctus est. Hæc civitas monetam argenteam habet propriam, quæ valore Moscoviticae æquatur. TERSACK oppidum decem miliaribus à Tveria, ejus pars dimidia Novogardiae, altera Tuerensi dominio suberat.

NOVOGARDIAE magnæ Ducatus olim celeberrimus ex totius Russiae Ducatibus erat. Cujus imperium RURICUS Varajus sorte sibi oblatum imprimis administrabat, & tandem post eum successores ejus latissimè ad Græciam usque imperium suum extendebant. Est autem civitas famigerata, quam Volchovv fluvius percurrit, qui ex Ilmen lacu vix medio milliari supra civitatem emergens, in lacum Neoa, quem nunc Ladoga ab oppido ei adjacente appellant, illabitur. NOVOGARDIA porrò in Occidentem æstivalem à Moscovia centum viginti miliaribus distat: à Plescovia triginta sex, à Vielicoluco quadraginta, ab Ivvanovgorodo totidem. Cæ-

Novogardiae  
magnæ  
Ducatus.

Novogardia  
Civitas.

E

terùm

terùm urbs hæc olim, dum floreret, sui que juris esset, latissimam ditionem in quinque partes distributam habebat, quarum qualibet non solum de publicis ac privatis rebus cognoscendis ad ordinarium ac competentem suæ partis magistratum referebat, verum in sua duntaxat civitatis regione contrahere res quascunque, ac commodè cum aliis civibus suis conficere poterat: nec licebat cuiquam ad aliquem alium ejusdem civitatis magistratum quacunque in re provocare. Quo tempore ibidem Rusiæ, imò Septentrionis totius maximū erat emporium: ingens enim mercatorum turba undique ex Litvania, Polonia, Svecia, Dania, ipsaque Germania eò confluebat, civesque ex tam frequenti multarum gentium concursu opes suas augebant. Imperium ejus magna ex parte in Orientem atque Septentrionem extenditur, Livoniam, Finlandiam, atque Norvegiam ferè contingebat. Habuit etiam Novogardia Principatus, ad Orientem, Dvvinam & Volochdam: ad meridiem verò dimidiam partem Tersack oppidi, non longè à Tuera. Ac quamvis hæ provincie, quod fluvii ac paludibus oppleantur, steriles sint, commodèque habitari non possunt: nihilominus ex ferarum pellibus, melle, cerâ, ac piscium copiâ magnum faciunt quæstum. Principes porro, qui ipsorum Reipublicæ præessent, suo arbitrio ac voluntate constituiebant, imperiumque augebant, vicinas

nas gentes quavis sibi ratione devinciendo, ac stipendio, tanquam juramento quodam proposito, in sui defensionem obstringendo. Ex ejusmodi gentium, quarum operâ Novogrodenenses in conservanda Republica sua utebantur, societate factum est, ut Mosci suos se ibi præsules habere gloriantur, Litvani que vicissim eos sibi tributarios asserent. Hunc principatum, dum Archiepiscopus consilio & autoritate sua administraret, IOANNES Moscoviæ Princeps invaserat, septem integros annos gravi eos bello premens. Tandem anno Christi millesimo quadringentesimo septuagesimo septimo ad fluvium Scholona conflictu Novogrodeni superans, certis quibusdam conditionibus ad deditionem eos compulit, præfectumque suo nomine ibi imposuit. Cum verò absolutum in hosce imperium non dum se habere putaret, neque sine armis id se assequi posse cerneret, sub religionis prætextu, ac si à Rusico ritu deficere volentes, in fide contineret, Novogardiam venit, eamque hac simulatione occupavit, inque servitutem redegit. Archiepiscopum, cives, mercatores externos bonis omnibus spoliavit, trecentosque currus inde auro, argento, gemmisque onustos Moscoviam abduxit. In hac urbe erat olim idolum quoddam nomine PERUN, eo loci, quo nunc est monasterium, Perunski monaster, ab idolo eodem nuncupatum.

Hoc à Novogrodensibus præcipuè cultu latriæ adora-  
batur. Habebat autem formam hominis, lapidem  
ignitum manu tenentis, fulmini similem. Per un-  
nim Russis & Polonis fulmen significat. In hujus lau-  
dem a honorem ignis ex quercubus, qui perpetuò die  
noctæque arderet, construebatur. Quòd si negligenti-  
tà ministrorum, ad hoc officium obeundum designa-  
torum, ignem extingui contingeret, capitis pœnâ ple-  
ctebantur. Habet Novogardia in solstitio æstivali  
longissimum diem octodecim horarum, & ultra. Re-  
gio multò frigidior ipsa Moscoviâ. R. U. S. S. antiquum  
oppidulum est sub ditione Novogardix, à qua duo-  
decim miliaribus abest. Habet salsum fluvium,  
quem ampla fossâ in lacus modum cives coercent, in-  
deque aquam per canales pro se quisque in ædes suas  
derivant, & sal coquunt. I V V A N O V V G O R O D V M  
castrum J O A N N E S Moscoviæ Princeps, à quo  
etiam nomen acquisivit, apud ripam Nervæ fluvij la-  
pide exædificavit, distat à Novogardia magna qua-  
draginta, à Plescovia totidem miliaribus. Juxta hanc  
arcem est civitas lignea Narva, à fluvio denominata,  
ubi Novogrodenses & Plescovienses merces suas de-  
ponere consueverunt. Est ibi quoque ex adverso in alte-  
ra ripa Livonum castrum & civitas, ab eodem fluvio  
Narva vocata, atque hæc duo castra Narva fluvius in-  
terflu-

Rufs op.

Ivvanov-  
gorod  
castrum.Narva  
op.

terfluens, Moscoviæ olim imperium à Livonia diste-  
minabat. J A M M A castrum duodecim ab Ivanov-  
gorodo & Narva miliaribus situm est, ad Plusæ flu-  
vij ostia Septentrionem versus. Deinde spacio quatu-  
or miliarium à Jamma castrum & civitas Coporogia  
dicta ad fluvium homonymum occurrit. Hinc ad Se-  
ptentrionem viginti quinque miliaribus per Oressek  
& Corelam oppida ad fluvium Polna pervenitur, qui  
Moscoviam à Finlandia Svecorum Regi subjectâ di-  
scriminat.

P L E S C O V I Æ Principatus amplissima o-  
lim & sui juris ditio, à J O A N N E Moscorum  
Principe anno supra millesimum quingentesimim  
nono occupatus est. In eo est urbs, quondam florens  
ac potens, variarumque gentium commercio nobilis.  
Sola in toto Mosci imperio muris circumdata, inque  
quatuor partes, quarum singulæ mœnibus suis inclu-  
duntur, divisa. Russis Pskovv dicitur, alluiturque  
ad Septentrionem Pskovvâ fluvio, unde urbi nomen  
est. Ea à suis aliquando Principibus dominata, sa-  
cerdotum prodicione in B A S I L I I potestatem ve-  
nit, qui statim everfâ Republicâ veros cives per vim  
ejecit, eosque vinculis constrictos in Moscoviam rele-  
gavit, substitutis in eorum locum Moscis, quos fide-  
liores futuros arbitrabatur. Hanc urbem post S T E

Jamma  
castrum.Coporog-  
gia op.Plesco-  
vien: Du-  
catus.

Plesco-  
wia urbs. PHANI Regis Poloniae expeditio clariore fecit. Distat autem Plescovia in Occidentem triginta sex milliari-  
bus à Novogardia, ab Ivanovgorodo quadraginta, totidè à Vielicoluco. Facilis ex Plescovia in mare Bal-  
thicum esset navigatio, sed scopuli quidam non longè ab Ivanovgorodo & Nerva castris Livoniae finibus obstaculo sunt, ubi à duobus milliariibus emensis Nerva fluvius pluribus fluvijis haustis in mare exoneratur.

Bialoic-  
zioren:  
Ducatus. BIELOIEZERENSIS Ducatus est regio ampla, in Septentrionem ad ingentè ejusdem nominis lacum sita: à quo & regio ipsa, & civitas cū castro nomen traxit. Sonat autè Russis idem, quod lacus albus. Porro civitas paludibus ita undiquaq; circūsepta est, ut inexpugnabilis esse videatur. Quare Moscorum Principes ducti, thesauros ibi condere siveverūt. Abest autè BIALOIEZIORO in Septentrionè centū milliari-  
Bialoic-  
zioro ci-  
uitas. bus à Moscovia, totidemq; à Novogardia magna. Regio penè tota paludosa, silvosaq; est, ideoq; viatoribus difficilem præbet transitū, agrè que ad eam, nisi stratis pontibus, concretisq; glacie aquis, pervenitur. Lacus ipse duodecim milliariib. in lōgitudinē, totidè in latitudinē patet, in quē trecenti (ut fertur) & sexaginta fluvij exonerantur. Hujus loci indigenæ proprium habent idioma, quamvis nunc ferè omnes Russicè loquantur. Longissimū hi diem in solstitio aestivali habere dicuntur

tur decem & novem horarum. Et quanquam ibi longior hyems sit, fruges tamè eo, quo in Moscovia, tempore & maturescunt, & colliguntur. A lacu hoc intrateli jactū est alius lacus sulphur proferens, quod fluvius quidam ex eo manans, ceu spumas supernarantes affatim secum defert. VGLICZ civitas cum castro ad Volgaë littus sita, distat à Moscovia viginti quatuor, à Iaroslavvia triginta, à Tyvera quadraginta milliariibus. Castrum hæc prædicta castra sunt in meridionali Volgaë ripa, civitas verò ex utraque parte. CHLOPIGOROD locus, in quē Novogrodensium servi confugerunt, de quibus sic annales Russorum. Accidit, dum Novogrodenses Corsunum Græciæ civitatem ad septenniū obsidione gravi premerent, uxores interim eorum moræ pertæsæ, tum etiam de salute & adventu maritorum dubitantes, servis nubarent. Expugnata tandè civitate, cum victores mariti ex bello reversi areas portas urbis devictæ, ac magnam quandam campanam secum attulissent, servi que heros, quorum uxores duxerant, vi repellere conarentur: heri indignitate rei mortis, depositis armis, lora & fustes tanquam in mancipia arriperent. Quibus servi territi, inque fugam conversi, loco quodam, qui etiam nū Chlopigorod, hoc est, servorum castrum dicitur, se reciperent, defenderentque: verum ab heris victi, supplicij affecti sunt meritis.

Eo loci

Vglicz  
op. &  
castrum.Chlopi-  
gorod  
castrum.

Eò loci nundinæ in toto Mosci imperio sunt frequen-  
tissima. Etenim præter Svecos, Livones, atque Mos-  
cos, Tartari, aliæque quàm plurimæ gentes ex Oriens-  
talibus Septentrionalibusque partibus confluunt, quæ  
rerum tantùm permutatione utuntur. Rarus enim ac  
ferme nullus apud has gentes est auri argentive usus.  
Vestis factas, acus, cultellos, cochlearia, secures, alia-  
que ejusmodi plura pellibus permutant.

Pereaslavia.  
PEREASLAVIA civitas & castrum, à Septentrione ali-  
quantum vergens in Orientem, viginti quatuor à Mo-  
scovia abest miliaribus. Sita autem est ad lacum, in  
quo, ut in insula Solovki, Selgi pisciculi capiuntur.  
Ager satis fertilis est, in quo perceptis frugibus Prin-  
ceps venatione tempus fallere solet. Est in eodem a-  
gro lacus, ex quo sal decoquitur. Per hanc civitatem  
proficiscuntur, quibus Novogardiam inferiorem, Cas-  
stromam, Jaroslaviam, & Vgliczam eundem est. In  
his partibus vera itinerum ratio propter crebras palu-  
des & silvas haberi non potest.

Rostovien: Ducatus.  
ROSTOVIAE Ducatus inter præcipuos &  
antiquiores Rusiæ principatus post Novogardiam  
magnam olim habebatur, ac secundò genitis magno-  
rum Ducum Moscoviæ attributus erat, quorum po-  
steri per Joannem Moscorum Principem eo exuti sunt.  
Eò ex Moscovia rectà per Pereaslaviam itur, à qua de-

cem

cem abest miliaribus. In hoc Ducatu est civitas &  
arx lignea ejusdem nominis, in qua Archiepiscopus su-  
am habet sedem. Sita est ad lacum, ex quo Cotorea Rostovia  
op.  
fluvius, qui Jaroslaviam præterlabitur, emergit, Vol-  
gamque influit. Soli natura fœcunda est, piscibus in-  
primis ac sale dives.

IEROSLAVIENSIS Ducatus regio ma-  
ximè ferax, eâ præsertim parte, quæ ad Volgã vergit. Ierosla-  
via Du-  
catus.  
Inest ei insignis civitas homonyma cum castro ad  
Volgæ ripam, à Rostovia duodecim distans miliari-  
bus, rectà itinere ex Moscovia sumpto. Paruit ea per  
annos multos Ducibus suis, quos JOANNES Ierosla-  
via civi-  
tas.  
Moscorum tyrannus, simili erga Rostovienses perfu-  
diâ usus, vi oppresit. Celebratur propter coria, sevim,  
ac fruges, quibus plurimum abundat, quas tantâ co-  
piâ Moscoviam convehunt, ut aliquando antemeris-  
diano tempore videas septingentas vel octingentas  
trahas, ultro citroque commeantes, fruges vel fassa-  
menta vehentes.

SUSDALIENSIS Ducatus cum cogno- Susdali-  
en: Du-  
catus.  
mini castro ac civitate, in qua sedes Episcopalis est,  
Rostoviæ ac Volodimiræ adjacet, inter præcipuos  
olim Rusiæ Ducatus referebatur, ac reliquarum  
adjacentium civitatum metropolis erat. Crescente

F

post

pòst imperio Moscovitico, sede Moscoviam translata, Principum secundò genitis est attributus: quorum posteri tandem per Ioannem tyrannum eo exuti sunt. Est hìc insigne Vestalium monasterium, in quod Salomea Basilii magni Ducis conjunx, ab ipso repudiata, inclusa erat. Inter omnes Moscoviæ Principatus soli ubertate, rerumque omnium copià Rezan primas sibi vendicat: secundum hanc sunt Jeroslavia, Rostovia, Pereaflavia, Susdalia, Volodimiria, quæ fertilitate terræ proximè accedunt. **C A S T R O M O V V G O R O D** civitas cum castro, in Volgæ littore ad Orientem æstivalem viginti ferè à Jaroslavia abest miliaribus, à Novogardia inferiori quadraginta circiter. Fluvius, à quo civitas nomen elicit, ibidem Volgam influit.

Castro-  
movvgo-  
rod op.

Galicz  
Ducatus

**G A L I C Z I E N S I S** Principatus cum civitate & castro homonymo, ex Moscovia in Orientem per Castromovvgorod euntibus occurrit. Hìc propter immensas paludes, ac silvas magnas vera itinerum ratio observari non potest.

#### CAPUT IV.

##### De provinciis & regionibus Moscoviæ.

Dvvinæ  
provin-  
ciæ.

**D V V I N A** provincia in ipso Septentrione sita, cui Dvvinæ fluvius ex Jugæ & Sucanæ amnis ortus nomen

nomen indidit, extenditur ad centum miliaria, sed munitionibus vacua est. Hæc provincia præter Colmogoram castrum, & Dvvinam civitatem, castrum item Pienega in ipsis Dvvinæ ostijs positum, oppidis castrisque caret. Pagos tamen complures habere fertur, qui propter terræ sterilitatem longè latèque distant. Incolæ victum ex piscibus, feris, ferarumque pellibus quaerunt, quibus omnis generis abundant, his pro pane contenti. In maritimis hujus regionis locis urfos albos, eosque majori pro parte in mari degentes reperiri ajunt: quorum pelles Principi instar tributi incolæ offerunt.

**C O R E L A** provincia proprium idioma habet, sexaginta ferè & amplius miliaribus à Novogrodo in Septentrionem distans. Ea quamvis à finitimis quibusdam gentibus tributum exigit, nihilominus & ipsa Sveciæ Regi, & Mosco ratione dominij Novogrodensis tributaria est.

**S O L O V V K I** insula in Septentrionem inter Dvvinam & Corelam à continenti octo miliaribus in mari visitur, quæ quantum à Moscovia distet, propter densas paludes, silvas, & vastas solitudines certa intervalli ratio non habetur. Sal in ea insula copiosius dequiritur. Est ibidè monasterium, in quod mulierè aut virginè ingredi grande piaculum est. Hìc etiam est piscatio piscium



piscium Selgorum copiosa, qui halcibus non ab-  
similes sunt. Solem in hoc loco æstivali solstitio per-  
petuò, duabus tantùm horis exceptis, splendere ajunt.

Voczka  
regio.

VOCZKA regio inter Occidentem ac Se-  
ptentrionem sita, viginti sex aut ad summum triginta  
à Novogrodo miliaribus abest, in que sinistrâ castrum  
Jvanovgorodum relinquit. Hac in regione hoc  
prodigij loco refertur, animalia, cujuscunq; generis in  
eam inducta fuerint, colorè suum in albedinè mutare.

Vstiuga  
provin-  
cia.

A DVVINA ex Septentrione in meridiem pro-  
grediendo, VSTIUGA provincia à civitate & ca-  
stro, quæ ad Suchanâ fluvium sita sunt, nomen nacta  
occurrit. A Volochda centum miliaribus, à Bieleie-  
ziero centum quadraginta abest. Hæc priùs ad ostia  
fluvij Jug, qui ex meridie in Septentrionem fluit, sita  
erat, pòst propter loci commoditatem ad dimidium  
ferme miliare supra ostia posita est, vetusque nomen  
adhuc retinet: nam Russis Vsteie ostium est, unde  
Vstiug, quasi ostium Jug dicitur. Hæc provincia  
olim subjecta erat Novogardiæ magnæ. Est autem  
hîc rarus & propemodùm nullus panis usus, incolæ ex  
piscibus ac feris victum quæritant. Sal ex Dvvina ad-  
vehitur. Idioma proprium, quamvis Russico magis  
utantur, habent. Zobellinæ pelles ibi nec multæ, nec  
excellen-

excellentes: aliarum tamen ferarum pellibus abun-  
dant, vulpinis præsertim nigris.

VOLCHDA provincia Orientem inter  
& Septentrionem, habet civitatem ejusdem nominis  
& castrum naturâ loci munitum, in quo Moscorum  
Princeps thesauri sui partem necessitatis tempore con-  
dit. Abest à Jeroslavia quinquaginta miliaribus, à  
Bieleieziero ferè quadraginta. Regio tota paludibus  
silisque obsita: unde fit, ut exacta itineris ratio ob-  
frequentes paludes ac fluviorum anfractus hoc quo-  
que in loco observari nequeat. Porrò Volochda flu-  
vius in Septentrionem civitatem præterfluit, cui Su-  
chana ex lacu, cui Koinski nomen, emergens, octo  
miliaribus infra civitatem jungitur, nomenque Su-  
chanæ retinet, atque inter Septentrionem & Orientem  
labitur, olim Novogardiæ magnæ ditioni suberat.

Voloch-  
da pro-  
vincia.

VIA TKA provincia ultra Kamam flumen  
in Orientem æstivalem centum quinquaginta ferè  
à Moscovia, ab Vstiuga centum viginti, à Casano sex-  
xaginta miliaribus abest. Regioni fluvius cognomi-  
nis nomen dedit, in cujus littore sunt Chlinova, Orla,  
& Slovoda. Regio palustris est, aquis irrigua, & steri-  
lis, servorum fugitivorum velut asylum quoddam,  
melle, feris, piscibus, aspreolisque affluens. Hæc o-  
lim Tartaricæ ditionis erat, adeò, ut adhuc hodie ultra

Viatka  
provin-  
cia.

citraque Viatkam, maximè in ostijs, quibus Kamam fluvius ingreditur, Tartari imperent.

Permia  
prouin-  
cia.

PERMIA ampla magnaue provincia à Moscovia centum quinquaginta milliariibus, rectâ inter Orientem ac Septentrionem distat. Civitatem ejusdè nominis ad Viscoram fluvium habet, qui decem infra Camam miliaribus influit. Eò propter crebras paludes & fluvios terrestri itinere vix nisi hieme pervenitur: æstate verò per Volochdam, Vstiugam, Viczechdamq; fluvium, qui duodecim ab Vstiuga milliariibus Dvvinam influit, navigijs iter hoc faciliùs conficitur. Incolæ regionis pro pane ferarû carnibus vescuntur, & loco tributi equos pellesq; quotannis Principi pendunt. Idioma à Rusfico diversum habent: characteres item proprios, quos Stephanus Episcopus, qui eos in fide Christiana vacillantes confirmarat, primus adinvenit. Superfunt adhuc ex ijs in silvis passim plures idolatræ, quos monachi eò proficiscentes non cessant ab errore, vanoque cultu revocare. Hyeme peregrè profecturi, soleas sive calceos ligneos oblongos, sex ferme palmiarum longitudine (qui Artach sive Nartæ vocantur) pedibus induunt, & baculo oblongo vel hastâ suffulti, rapidissimo cursu per invia nivesque feruntur. Canibus, quos hunc in usum magnos habent,

habent, pro jumentis utuntur, quibus sarcinas vehiculis circumvehunt. Ajunt eam provinciam Orientem versùs Tartarorum provinciæ, quæ Tumen dicitur, esse conterminam.

SIBIOR provincia Permiam & Viatkam contingit, quæ castris & civitatibus caret. In hac oritur Iaic fluvius, qui Tartarorum campestribus præterlapsis in mare Caspium exoneratur. Regio tota ferè palustris & silvestris est, & propter Tartarorum viciniam magna ex parte deserta. Incolæ ejus proprio idiomate utuntur, panis usum nesciunt, ferinâ interim carne vitantes. Mercimonia maximè ex aspreolorum pellibus, quæ aliarum provinciarum aspreolis magnitudine ac pulchritudine excellunt, exercent, easque tributi instar Moscorum Principi pendunt.

JUHARIA sive Juhra ad Oceanum Septentrionalem sita est, ex qua olim Vngari, cum longo tempore ad Maxotidis paludes consedissent, loci sterilitate, ut credibile est, offensi, ad Danubij ripas commigrarunt, occupatq; Pannoniâ eam de suo nomine Juhariam primùm, & post literis paululum immutatis Vngariam appellarunt. Quo nomine Mosci gloriantur, quòd eorum subditi magnam Europæ partem olim sint depopulati. Ajunt

Ajunt Juharos in hunc diem eodem cum Ungaris idiomate uti. Hi quoque pisces pro tributo Principi offerunt. Ac quamvis gemmæ unionesque illinc in Moscoviam afferantur, non tamen in eorum Oceano colliguntur, sed aliunde, præcipuè verò à littoribus Oceani, ostijs Dvvinæ vicinis, advehuntur.

Peczora  
provincia.

**P E C Z O R A** Moscoviæ Principis ditio longo tractu in Septentrionalem plagam fines suos juxta mare glaciale extendit. Denominata est à fluvio ejusdem nominis, qui à meridie fluens in Oceanum glaciale juxta oppidum & castrum Pustiezero dictū, sex amplis ostijs exoneratur. Incolæ hujus regionis simplicissimi sunt, idioma proprium habentes: panis apud eos nullus usus. Pelles ferarum varias Moscorum principi pendunt pro tributo. In ostijs Peczoræ fluvii est castrum & oppidum **P V S T E I E Z E R O**, ultra quod in littore Oceani Septentrionalis variæ gentes sunt, quæ communiter Russis Samoiedz, hoc est, seipsos comedentes appellantur. Ad eundem Peczoræ fluvium est castrum & oppidum **P A P I N O V V G O R O D**: cujus accolæ Papini nuncupantur, diversumque à Russico idioma habent, & Principi Moscorum tributa solvunt.

Pustie-  
zero op.  
& castrū.

Papinov  
gorod  
op. & ca-  
strum.

Obdoria  
regio.

**O B D O R I A** à fluvio præterlabente Obdi denominationem accepit, qui ex lacu Kitaisko ortus, ab Oriente

Oriente in Septentrionem labitur. In hac regione ad ostia Obdi est quoddam idolum antiquissimum, è lapide excisum, quod Moscis Zolota Baba, id est, aurea anus dicitur. Est autem statua in formam cujusdam anus, quæ infantem in gremio tenet: atque ibi jam de novo alter cernitur infans, quem ejus nepotem esse nungantur. Sunt ibi instrumenta quædam posita, perpetuum sonum in modum tubarum edentia, quæ fortè vehementi ventorum & perpetuo in ea instrumenta flatu fiunt. Hoc idolum à Vogulicis & Hugiis Moscorum vicinis sanctè colitur, quod oraculi Delphici instar futura quærentibus respondere soleat. Ab Obdi fluvio à parte sinistra ascendendo, Calami populi in campestribus degentes occurrunt, Moscorum Principis tributarij.

**C O N D O R I A** ad Oceanum Septentrionalem sita, Obdoria conjuncta, perpetuo gelu & invijs nemoribus damnata est. Ejus indigenæ proprio idiomate utuntur, & aureæ anus idolum cum Obdorianis colunt, ferarum carnibus, quibus omnis generis affluunt, pro cibo utuntur, pelles verò varias Moscorum Principi pro tributo solvunt. Regio civitatibus, castris, pagisque proflus nuda.

Condo-  
ria re-  
gio.

**L U C O M O R I A** regio longo tractu juxta mare Septentrionale extenditur, & ab incolis sine ullis

Luco-  
moria  
regio.

lædibus in speluncis ferarum habitatur. Huic confines  
sunt Grustinczi & Serponovvci populi, à castro Grus-  
stina, ad lacum Kitayko posito, dicti, ubi Oby fluvius  
suprà dictus fontes suos habet. Ab hoc lacu plurimi  
homines nigri, communis sermonis expertes, veniunt,  
merces varias, inprimis autem gemmas unionesque  
secum adferentes, quas Grustinczi & Serponovvci  
mercantur. Hi à castro Serponovv Lucomoriae ultra  
Oby fluvium in montibus sitæ nomen habent. Loco-  
motia autem hominibus portentosum quiddam ac  
incredibile, fabulaeque per simile accidere ajunt, quos  
in singulos annos nempe vicesimâ septimâ Novem-  
bris die, quæ apud Russos divo Georgio sacra est, præ-  
intenso frigore mori ajunt, ac vere insequenti maxime  
ad vicesimam quartam Aprilis ranarum & hirundi-  
num instar reviviscere. Cum his quoque Grustinczi &  
Serponovvci nova & alias inconveta habent com-  
mercia. Cum enim statum moriendi seu dormiendi  
tempus ipsis imminet, merces certo deponunt loco,  
quas Grustinczi & Serponovvci, relictis suis interim  
æquâ commutatione mercibus, auferunt. Eas illi re-  
divivi, si iniquiore estimatione abductas esse viderint,  
rursus repetunt, unde lites plurimæ ac bella inter eos  
oriuntur.

CAPUT

## CAPUT V.

## De populis Moscovia.

**A** Lucomoria ulterius ad Oceanum glaciale[m] pro-  
cedendo, LOPPI populi barbarie ac feritate n<sup>o</sup> Loppi  
populæ.  
gentes, in campestribus & silvis degentes occurrunt.  
Hi nusquam certas habent sedes, sed uno in loco fe-  
ris piscibusque, quibus victitant, (panis enim u-  
sum ignorant) depastis, aliò commigrant. Quàm-  
vis verò pane, sale, aliisque gulæ irritamentis ca-  
reant, solisque piscibus ac feris utantur, multum ta-  
men in libidinem proni esse perhibentur. Sagittarii  
sunt omnes peritissimi, adeò, ut si quas nobilio-  
res in venatione feras nanciscantur, eas, quò pelle  
integrâ & immaculatâ potiantur, misâ in probosci-  
dem sagittâ, necent. Mercatores, aliosque ho-  
spites peregrinos domi cum uxore, venatum euntes,  
relinqvunt, reversi, si uxorem hospitis consuetudine  
latam, ac solito hilariorem reperiant, munere ali-  
quo hunc donant: sin minùs, turpiter ejiciunt. Jam  
consuetudine hominum externorum, qui quæstus  
gratiâ eò commeant, innatam feritatem depo-  
nunt, ac mansuetiores fiunt. Mercatores libenter  
admittunt, à quibus ex crasso panno vestes, item

G 2

secu-

secures, acus, cochlearia, cultri, pocula, farina, ollæ, idque genus alia ipsis afferuntur: ita ut coctis jam cibis vescantur, humanioresque mores induerint. Vestibus ex diversis ferarum pellibus, zobellinis, hermelinis, cervinis, & id genus alijs insimul consutis utuntur, eorumque hujusmodi vestitus interdum in Moscoviam à mercatoribus defertur, pileis etiam atque caligis ex cervinis pellibus confectis induuntur. Tuguriola sua, in quibus habitant, corticibus arborum cespitibusque regunt. Nullus illis aureæ argenteæque monetæ usus, solâ rerum permutatione contentis: & cum aliorum idiomata non calleant, apud externos muti propemodum esse videntur. Tributi loco pelles & pisces, cum aliud non habeant, pendunt. Persoluto autem annuo tributo, nemini se quicquam debere, sui que se juris esse gloriuntur. Regio, quam inhabitant, frigidissima esse putatur, solem ibi solstitij æstivalis tempore quadraginta diebus perpetuò splendere (tribus noctis horis exceptis) ferunt, quibus sol velut quadam caligine obducitur, ut radij illius non appareant. Nihilominus tamen laborantes ab opere suo excluduntur. In his quoque partibus montes in altum eminentissimi esse dicuntur, qui ad Aetnæ similitudinem flammæ semper eructant, in quibus salamandra

lamandra, quæ in igne non secus ac pisces in aquis vivunt, crescere perhibentur.

CZEREMISSI populi sub Novogardia inferiori in silvis habitant, peculiarem hi linguam habent, Mahometicæ impietatem sequuntur. Regi Casanensium nunc parent, quamvis maxima eorû pars Moscorum Principi olim tributaria esset, unde subditis Moscoviæ adhuc accensentur. Hæc gens à Viatka & Volochda ad fluvium Kamam usque longè latèque sine ullis ædibus habitat. Omnes tam viri, quam fœminæ cursu sunt velocissimi, sagittarii peritissimi, arcu nunquam è manibus deposito: quo adeò oblectantur, ut etiam filiis cibum non præbeant, nisi præfixum scopum sagittâ feriant. Duobus miliaribus à Novogardia inferiore plurimæ erant domus ad civitatis oppidique similitudinem, ubi sal decoquebatur. Hæ paucos ante annos à Tartaris exustæ, Principis iussu restitutæ sunt.

A Novogardia inferiore Orientem ac Meridiem versus, vastæ ingètesque occurrunt sylvæ, quas MORDVI, Czeremissis moribus & fide vicini, longissimo ad Volgam tractu inhabitant, qui vicinitate & animorum conjunctione gaudentes, pagos condiderunt, & agros colunt. Idioma proprium habent. Melle, diversisque animalium pellibus preciosis abundant, ho-

mines duri & bellicosi, Tartarosquē latrocinantes à finibus suis fortiter propulsant, omnes ferē pedites incedunt, arcubus oblongis utuntur, sagittafidiquē peritiā pollent, feras præstantiores, ut pelles earum integræ & intactæ maneant, in nasum sagittâ misâ interficiunt. Eorum quidam Mahometi sectam sequuntur, quidam in idololatria perseverant. Vectigal annuum Moscorum Principi pellibus solvunt. Mulieres eorum decoris causâ unguēs nigro colore artificialiter inficiunt, apertòque capite ac crinibus passis semper spectantur. His admixti sunt Czeremisi alii, quos montanos appellant, eò quòd ad vastissimorum montium radices plerunque commorantur sine ministerio civili, sine veste, cui incubent, ut à primis annis duritiæ parsimonixque advescant.

Czeremisi  
montani

Tartari.

His confines populi sunt TARTARI, quos Tartaros propter immanitatem Tartaricam dici usus obtinuit, de quibus in genere prius quædam ex annalibus Rusficis referenda. Ajunt Moabitenos populos, qui postea Tartari dicti sunt, homines lingvâ, moribus, habituque à reliquorum hominum ritu consuetudineque dissidentes, ad Kalka fluvium pervenisse; qui, unde venissent, quo religionis dogmate uterentur, ignotum fuisse. Martinus Cromerus Historicus rerum Polonicarum exquisitissimus opinatur, eos Scythicam

Tartarorum  
origo.

thicam gentem, sive à fluvio, sive à multitudine nomen habeat, esse. Hi cum antè ultra Caspium mare, & intra Imaum montem ad orientem solem, ignoti Græcis juxta & latinis, habitassent, circa annum Christi millesimum ducentissimum secundum, vel, ut alii volunt, millesimum centessimum octogessimum octavum finibus egressi, devicto & interfecto Indorum Rege, cui servierant, Asiam penè omnem victores longè lateque pervagati, & Volgâ fluvio transmissi ad Occidentem progressi, Polovvzii Rusforum vicinis bellum intulerunt. Incoluerunt autem Polovvzii campestria ad Tanaim & Maotidem loca, indeque finitimorum ac Slavorum lingvâ Polovvzii & Poliovczii, non valde diverso à Polonis nomine, appellati sunt. Quamvis autem ii perpetui Rusforum hostes erant, necessitate tamen adacti, opem eorum implorârunt. Nec defuere Rusi auxilia invocantibus in communi periculo; quin legatos Tartarorum monentes, ne sese eo bello implicarent, contra jus gentium interemerunt. Commisso prælio, victores Tartari magnâ strage Polovvzios & Rusos fudere ac fugavere. Fugientes autem Rusos ipsi etiam Polovvzii excepere, ac spoliatos trucidavere, Munitiones deinde Polovvziorum expugnata, ipsi deleti, & omnis illa

circa

circa Tanaim & Maotim ora cum Taurica Cherfoneso à Tartaris habitari cepta.

Reges  
seu Du-  
ces Tar-  
tarorum

De Regibus seu Ducibus ipsorum hæc produ-  
tur. BATHUM Tartarorum Ducem circa annum  
Christi tricesimum sextum supra millesimum du-  
centesimum magno cum exercitu à meridie in septen-  
trionem progressum, Bulgariam, quæ ad Volgam in-  
fra Casanum est, occupasse, & anno sequenti in Mo-  
scoviam perrexisse, eam longè latèque vastasse, tan-  
demq; in suam potestatem redegit, Georgio Principe  
ipsorum casu. Ex quo tempore omnes ferè Rusorum  
Principes Tartaris tributarii fuere, atque ex ipsorum  
arbitrio Duces sibi constituere usque ad VITOL-  
DUM magnum Lithuanie Ducem, qui ditiones suas  
à Tartarorum armis masculè defendens, vicinis  
omnibus terrori fuit. Magni autem Volodimirie &  
Moscovie Duces usq; ad Basilium, qui tandem Tar-  
tarorum jugum excussit, semper in præstita semel Tar-  
tarorum fide atque obedientia permansere. Batho in  
principatu ASBECK successit, mortuus circa annu  
Christi millesimum trecentimum vicesimu sextum,  
cui filius SANABECK successit, qui fratribus  
suis, ut solus sine metu regnaret, occisis, moritur anno  
quadagesimo supra millesimum trecentimum o-  
ctavo. Hunc BERDEBECK secutus, qui fratribus  
duode-

duodecim pariter maectatis, obiit anno quinquagesi-  
mo supra millesimu trecentimum nono. Post quem  
ALCULPA à Narusso quodam regulo cum liberis  
statim ab initio imperii interfectus, non ultra men-  
sem imperavit. Cui CHIDIR succedens, à filio  
THEMERSCHA occisus est, qui regno per  
scelus parto vix septem diebus potitur. Posthos THA-  
CHAMISCH imperium nactus, anno millesimo  
trecentesimo octogesimo secundo, cum exercitu egres-  
sus, Moscoviam ferro igneque depopulatus est, qui à  
Themirkuthlo profligatus, ad VITOLDUM ma-  
gnum Lithuanie Ducem profugit. THEMIR-  
KUTHLV verò regnavit ferè triennium, cui SCHA-  
TIBECK filius substitutus est. Post quem THE-  
MIRASSACK, cum exercitum Rhezanum ad de-  
vastandam Moscoviam ingentem duxisset, tantum  
Moscis terrorem incussit, ut desperata victoriâ, armis  
abjectis, ad Divorum tantum auxilium confugerent.

Dividuntur autem Tartari in Hordas, in quibus <sup>Tartaro-</sup>  
Zavolgensis & celebritate & multitudne facile pri-  
mas fert, reliquæ enim omnes ex ea originem sumpsis-  
se dicuntur. Significat autem horda illis conventum <sup>rum di-  
visio in  
hordas,</sup>  
seu multitudinem, & quælibet peculiare nomen ha-  
bet, scilicet Zavolgensium, Casanensium, Præcopien-  
sium, Nohajensium, &c. quæ omnes Mahometanam  
H supersti-

superstitionem sectantur. Sunt autem Tartari **CASANENSES** cultiores reliquis, utpote, qui & agros colant, in domibus degant, mercaturasque varias exerceant. Quos **BASILIVS** Moscorum tyrannus eò adegit, ut ei se subjicerent, atque ejus arbitrio Reges acciperent. Quod illis partim ob fluviorum oportunitatem, qui ex Moscovia in Volgam influunt, partim ob commercia mutua, quibus illi carere non poterant, factu haud difficile fuit.

Nohai-  
censes.

Post Casanenses Orientem versus procedendo, Tartari **NOHAICENSES** primi occurrunt, qui ultra Volgam circa mare Caspium ad fluvium Jaick habitant. Hi duntaxat Duces habent, provinciaque in tres dividitur Ducatus: quorum primus cum civitate Scharaiczik ultra Volgam versus Orientem, cum adjacentem ad Jaick fluvium regione extenditur, Scharaicensisque Ducatus dicitur. Secundus est inter Kamam, Jaick, & Volgam fluvios. Tertius Sibioensis provinciae partem, & omnem circumjacentem regionem possidet. Atque hæ regiones ferè siluosa sunt, excepta eà, quæ ad Scharaiczik vergit.

Zavol-  
genses.

**ZAVOLGENSIUM** Tartarorum horda seu turma à Casanensi regno & Nohaicensi horda non nihil in meridiem reflectendo sequitur. Ascivit autem cognomen à Volga, qui eam longo tractu interfuit. Hæc quasi  
Prin

Princeps cæterarum omnium olim extitit, incolarum videlicet multitudine, ac rerum gestarum fortitudine, locique affluentia & opportunitate, ex qua cæteri omnes Tartari campestres ortum genusque duxere. Hæc autem horda inter Volgam & Jaick fluvios juxta mare Caspium sita est. Hic semen quoddam melonum semini haud absimile, paulò tamen majus ac rotundius, crescere dicitur, ex quo in terram condito quiddam agno persimile quinque palmarum altitudine succrescit. Idque eorum linguâ Boranecz, quod agnellum sonat, vocatur. Nam & caput, oculos, aures, cæteraque omnia in formam agni recens editi, pellem præterea subtilissimam habet, quæ plurimi in iis regionibus ad subducenda capitis tegumenta utuntur. Fertur insuper, plantam illam (si tamen plantam vocari fas sit) sanguinem quidem habere, carnem verò nullam: sed carnis loco materiam quandam, cancrorum carni persimilem, ungulas porro non ut agni corneas, verum pilis quibusdam ad cornu similitudinem vestitas: radicem illi ad umbilicum seu ventris medium esse, vivere autem tamdiu, donec depastis circum se herbis, radix ipsa pabuli inopia areseat. Hi Tartari Reges sui juris ad **ALEXANDRI** usque Poloniae Regis tempora habebant. Sed tandem **SACHMAT** Zavolgensium Rex ultimus

Bora-  
necz se-  
men a-  
gno si-  
milis.



mus ob injuriam quandam, quam olim Crimscii prædecessores ejus intulerant, à Machmetgireio Tauricæ Rege regno exturbatus est. Qui ad ALEXANDRUM Poloniae Regem, magnùmque Lithuaniae Ducem profugit, ut inito cum eo foedere, conjunctis viribus Mahometkireium ejicerent. Cùm verò Alexander Rex longius bellum differret, interim Mahometkirejus Zavolgensium Regis exercitum profligavit, totumque ejus regnum subegit. Atque hic Zavolgensium Regum imperii finis fuit, cum quibus & Astracani Reges, qui quoque ex iisdem Regibus originem traxerunt, unà perire. Quibus ita extinctis, Regis Tauricæ potentia majorem in modum adaucta, vicinis gentibus terrori fuit, qui post ad majora animum applicuit, Mamaique Nahaicensi Principe sibi adjuncto, Tauricam anno millesimo quingentesimo vicesimo quarto cum exercitu egressus, Regem Astracanicum adortus est, cujus urbem, cùm illà relictâ metu profugisset, obsidione cinctam occupavit. Interim Mamai se cum Nahaicensi Principe Agi conjungit, veritus, ne Machmetkirejus, in se fratremquè armis conversis, regno utrumque exuat, aut in servitutem abducat, non multò post Mahmetkirejum domi securiùs agentem cum Sultano filio, factò impetu, obtruncant, majorem ejus exercitus partem fundunt, reliquosque in fugam

gam vertunt, ac ultra Tanaim Tauricam usque insequentes fugant: Præcop civitatem obsident, tentatisque omnibus solutâ obsidione domum redeunt. Horum ergo operâ Rex Astracanicus regno suo iterum potitus, viresque regni Tauricani cum Mahmetkireio conciderunt. Post quem frater ejus Sadachgireius auxilio Turcæ, cui tum serviebat, regnum suæ potestatis fecit: qui cùm Turcicis moribus imbutus, rariùs præter Tartarorum morem in publico versaretur, neque se subditis conspiciendum præberet, à Tartaris ejicitur, inque ejus locum ex fratre nepos surrogatur. A quo cum Sadachgirei captus fuisset, nepotem, nec æde in se sæviat, sed senectutis suæ misereatur, ac reliquum vitæ in castro aliquo privatim agere permittat, orat & impetrat. Ultra Viatkam & Casanum Tartarorum tres hordæ habitant, qui Tumenski, Schibanski, & Kosaczki vocantur. Ex quibus TUMENS-<sup>Tumenski.</sup> KI in silvis habitare, decemque millium numerum ajunt non excedere. Alii præterea Tartari trans Volgam sunt, qui quòd soli capillos nutriunt, Kalmuchi<sup>Kalmuchi.</sup> nuncupantur, & ad mare Caspium Schamachia, à qua etiam regio nomen acquisivit, ita appellati. Incolæ in texendis sericeis vestibus excellentes, quorum civitas sex dierum ab Astracano abest, quam unà cum regione Rex Persarum hoc tempore possidet. A

As-  
traca-  
nenfes.

**ASTRACANENSE** regnum, post Nohaicenses & Casanenses ad mare Caspium situm, complures civitates habet, ex quibus **ASTRACANUM** urbs opulenta, magnumque Tartarorum emporium, à qua etiam regnum nomen obtinuit, ad Volgæ ostia cõdita est. Eo loco Volga septuaginta ostiis in Caspium mare exoneratur, multasque ibi insulas facit, tantâque aquarum copiâ ingreditur, ut procul spectantibus mare esse videatur. Hoc regnum olim sui juris erat, Regesq; hæreditarios habebat: verùm à **JOANNE** Basilide Moscorum tyranno unâ cum urbe tandem subjugatum est.

Kyrgesfi

**KYRGESII** Tartari catervatim in campis degunt, quos mortuos loco sepulturæ arboribus suspendunt. his finitimi sunt **BASCHIRDI** Tartari ab Occidente, & **HIESELITI** ab Oriente. Ab iis ultra Imaum montem longo tractu progrediendo ad Oceanum Scythicum, **Molgomozani**, **Baydaique** Tartari occurrunt, in castris cavernisq; subterraneis vitam degentes, omniumq; animantium, & reptilium, serpentum, vermium, murum, & id genus aliarum rerum incomestibilem carne vescentes. His contermini sunt **Macriti** & **Samogitæ**. A regno Astracanensi in Meridiem reflectendo, circa **Mæotidis** paludes & **Pontum Euxinum** ad fluvium **Cupa**, qui paludes influit, **APHGASII** populi sunt, ubi etiam usque ad fluvium **Merulam**, qui **Pontum Euxinum** illabitur, montes occur-

Baschir-  
di & Hie-  
seliti.

Molgo-  
mozani  
& Bai-  
dai.

runt, quos **CIRCASSI** Tartari **Pietiorscii** dicti, hoc est, quinquemontani incolunt: viri martii, montiumq; asperitate freti, nec Turcis, nec Tartaris parent. Eos tamen Christianos esse, suis legibus vivere, in ritibus & ceremoniis cum Græcis convenire, lingvâ Slavonicâ, quâ utuntur, sacra peragere Rusfi testantur. In castris, ut ceteri Tartari, vivunt, & in propinquorum funeribus pompas ducunt, inque memoriam mortis amicorum auriculam integram partemve ejus, amorem testificantes, sibiipsis amputant. Piratæ audacissimi sunt, quippe fluvii, qui ex eorum montibus fluunt, navibus in mare delapsi, quoscunq; possunt, spoliant, eos præsertim, qui ex **Capha** **Constantinopolim** navigant. Inter Casanense & Astracanense regna, longo secundo Volgam tractu, ducentis & triginta milliaribus ad **Borysthenem** usq; campi deserti sunt, quos Tartari nullis sedibus certis inhabitant, præter **Asophi** & **Achas** civitates, quas magna Tartarorum pars incolunt, certas sedes habentes. In his prædictis campis civitas **Krim**, olim **Regum Tauricæ** sedes, à qua **Krimsci** denominantur, posita est. Postea toto **Isthmo**, spacio mille ducentorum passuum ad insulæ formam perfosso, **Reges Tauricæ**, non **Crimscii**, sed **PRÆCOPSCII**, ab illa nimirum perfosione sumto vocabulo, nomen nati sunt. Hæc autem civitas **PRÆCOP** in **Taurica Chersoneso**, ab **Asoph** quinque dierum itinere abest,

Circassi,

Campi  
deserti.

Præcop-  
scii sive  
Crimscii.

Porro tota Chersonesus silvâ quadam per medium scinditur, eaque pars, quæ Pontum respicit, in qua Capha insignis urbs, tota Turcis paret. **CAPHAM** autem emporium totius Asiæ celebre Mahometes Turcarum Imperator, Constantinopoli expugnata, Genuensibus proditione quorundam Genuensium, ademit. Alteram peninsulæ partem Tartarus tenet. Omnes autem Tartari Præcopienses sive Crimæscii, qui nunc Tauricam incolunt, originem suam ex Zavolgensi Tartarorum horda ducunt: cumque propter intestinam seditionem regno pulsi fuissent, nec usquam in vicinia firmam habere sedem possent, hanc Europæ partem occupavêre, ac veteris injuriæ haud immemores, diu cum Zavolgensibus variis bellorum eventibus belligerârunt, donec eos prorsus regno exuerent, Regesque eorum delerent. Ad Borysthenis ostia **Oczakovia** castrum & civitas, quam Tauricæ Rex Lithuaniae Principibus ademptam possidet, extructa est, quam nunc Turca tenet. Distat à Præcopia quatuordecim milliariibus, à Circas circa Borysthenem ad Præcopiam quadraginta, supra Circasos septem milliariibus per Borysthenem ascendendo, **Cainovv** oppidum occurrit, à quo decem & octo milliariibus est **Kiovia**. Porro ab hac civitate **Oczakovv** Tartari Præcopenses, qui eam incolunt, **Oczakovvsci** dicuntur, frequen-

Oczakovv  
opp. &  
castr.

quenterque varijs excursionibus Podoliam, & aliquando Lithvaniam ipsam, cæterasque Rusiæ partes infestant, prædasque & spolia cum hominibus abigunt, maximè verò hujusmodi excursiones facere solent, cum illis stipendia consveta à Rege Poloniæ iusto ferius retinentur. Solet enim Rex Poloniæ huic Regi Tauricæ stipendia certa quotannis pendere, eâ conditione, ut operâ illius, quavis urgente necessitate, adversus hostes suos utatur: præcipuè verò ad Moscorum principis regiones infensandas, unde & Moscus missis subinde muneribus aliquando illum sibi devincire solet. Tartarus verò muneribus interdum utrinque acceptis, utrumque etiam vanâ spe lætat. Regi tamen Polonorum impensurè fideliusque militat, Mosci provincias ipsius in gratiam divexans, atque igne ferroque vastans.

## CAPUT VI.

*De Moscovia solo.*

**EST** autem **MOSCOVIA** omnis ferè plana & campestris, maximè, quâ ad Occidentem & Septentrionem. Montes ibi nulli, nisi circa Peczoram fluvium **Semnoi Poyas**, id est, cingulus mundi vel terræ; montes altissimi, ad ripas usque se protendentes, quorum vertices ob continuos ventorum flatus omni-

Mosco-  
via pla-  
na & câ-  
pestris.

Montes  
Semnoi  
Poyas.

I

prorsus

prorsus materiâ gramineque ferè carent. In his montibus nidificant falcones varij, præsertim gerofalcones sive hierofalcones, & sacri, & peregrini, quos pitarum Principum luxus in aucupijs non agnovit. Crescunt etiam illic arbores cedri, circa quas nigerrimi zobelli reperiuntur. Atque in Principis Moscorum ditione hi montes soli cernuntur, qui fortassis veteribus Riphæi vel Hyperborei montes visi sunt: & quòd perpetuis nivibus ac glacie rigeant, transfrigue ægerrimè possint, Engroneland provinciam incognitam faciunt. **BASILIVS** Moscorum Princeps aliquando ad exploranda ultra hos montes loca, gentesque subjugandas, duos præfectos Ducum genere oriundos per Permiam & Peczoram miserat, quorum unus ex illis, Simeon Pheodorovicz ex Iaroslaviorum Ducum prosapia, Sigismundo Herbertenio Baroni legato Casareo, de illis montibus sciscitanti, decem & septem in ascendendo dies se consumpsisse dicebat: neque tamen montis verticem, qui patrio nomine Stolp, hoc est, columna nuncupatur, attingere potuisse. Extenditur mons ille in Oceanum usque ad ostia Dvvinæ & Peczoræ fluviorum. Silvis, saltibus, ac nemoribus plena est Moscovia, Silvæ. cujus bonam partem Hercynia silva occupat, reperiuntur ibi, præsertim ea in parte, quæ ad Prussiam ver-

git,

git, uri feroces & ingentes, quos bisontes <sup>alii</sup> vocant, item alces, ursi magnitudinis raræ, lupi prægrandes, nigro colore formidabiles. Ferunt & hi saltus feram, quam Rosomackam vocant, mirabilem, quæ satuta ac distenta duorum stipitum angustias quærit, per quas se transmittens, ventris onus, quod aliàs non egerit, excolat. Vitem, nec oleam, nec paulò suavioris pomi frugiferam arborem, præter melopepones & cerasa, eaque austera producit, cum tenuiora quæque gelidissimis Boreæ flatibus exurantur. Tam intensum enim ibi frigus esse dicitur, ut ex humidis lignis in foco structis destillans liquor in stiriam concreseat. Tanta diversitas tantillo spacio, ut hinc prunam, illinc glaciem in eadem face cernas: imò tanta est nonnunquam frigoris vis, ut radicitus arbores arefcant, & aqua editiori ex loco effusa, antequam terram contingat, congeletur. Id quod in bello Moscovitico, quod **STEPHANUS** Poloniae Rex adversus Moscorum tyrannum gessit, præsertim in obsidione Plefcovianâ, experiundo complures milites cognovère Poloni. Ubi tanta aëris inclementia erat, ut, ubi quis extra tabernaculum vix pedem protulisset, omnibus ferè membris, iis potissimum, quæ maximè aëri patebant, naribus, auribus, I 2.      atque

atque facie gelu astrictis emoreretur. Campitamen  
 tritici, siliginis, milij, panicique, & omnis generis le-  
 guminum segetes ferunt, sed certissima meslis in cera  
 ac melle consistit. Regio enim tota foecundissimis a-  
 pibus plena est, quæ non in manu factis agrestium al-  
 vearibus: sed in ipsis arborum cavis probatissima mel-  
 la conficiunt. Hinc per silvas & opacissimos saltus  
 frequentia ac nobilia apum examina ramis arborum  
 pendentia videre est, quæ nullo æris crepitu colligere  
 sit necesse. Reperiuntur sæpe favorum ingentes mas-  
 sæ arboribus conditæ, veteraque mella delerta ab api-  
 bus, cum singulas arbores in vastis nemoribus rari a-  
 grestes minimè perscrutantur: ita ut in admirandæ  
 crassitudinis arborum stipitibus permagnos mellis la-  
 cus aliquando reperiant. Fertur de quodam agricola,  
 qui quærendi mellis causa in grandem cavam arbo-  
 rem supernè defiliit, profundoque mellis gurgite pe-  
 ctore tenè haustus fuit, ac biduo vitam melle solo sus-  
 tinuit, cum vox opem implorantis in ea silvarum  
 solitudine ad viatorum aures penetrare nequivisset:  
 ad extremum verò desperatâ salute mirabili casu in-  
 gentis ursæ beneficio inde extractus evasit, cum fortè  
 ejus beluæ ad edenda mella, more humano se demit-  
 tentis, aversos renes manibus compræhendisset, & es-  
 am subito timore exterritam, ad exiliendum tum tras-

Mosco-  
 via api-  
 bus ple-  
 na.

ctu ipso

ctu ipso, tum multo clamore concitasset. Linum quo-  
 que & canabim in restes, multa que item boum tergo-  
 ra, & massas ceræ ingentes Mosci in omnem Europæ  
 partem mittunt. Auri, argente, vel ignobilioris me-  
 talli, ferro excepto, vena apud eos nulla reperitur, nul-  
 lumque est totâ regione, vel gemmarum, vel preciosi  
 lapilli vestigium: omnia ea ab externis populis petunt.  
 Naturæ tamen injuria, quæ tot bona profus invade-  
 rit, uno nobilissimarum pellium mercimonio refarcitur.

CAPUT VII.

*De fluviis, lacubus, piscibus, & paludibus.*

FLUVIOS non paucos habet MOSCOVIA, eos <sup>Fluvii</sup> que navigabiles, qui sunt præcipui: Moscus, Occa, <sup>Mosco-</sup> <sup>uia</sup>  
 Tanais, Sura, Clesma, Vgra, Vujesma, Volga, Bory-  
 sthenes, Volchov, Narva, Volochda, Vaga, Viatka,  
 Peczora, Vsa, Obdy, Coslin. MOSCUS in Tve-  
 rensi regione quatuordecim ferè supra Mosaiscum mi-  
 liaribus, haud procul à loco, qui Olesno dicitur, fon-  
 tes habet, indeque emensis sedecim miliaribus ad  
 Moscoviam civitatem decurrit, receptisque in se ali-  
 quot fluviis Orientem versus, Occam fluvium illabi-  
 tur. Caterùm sex supra Mosaiscum miliaribus pri-  
 mum navigabilis esse incipit: quo loco materia ad fa-  
 bricandas domos aliosque usus ratibus imposita Mo-

Moscus

I 3

scoviam

scoviam defertur. Fluvius non admodum piscosus, ut qui præter vulgares & viles nullos pisces habet. **OCCA** non procul à Msceneco oritur, lautissimorum piscium ferax est, & campos, quos irrigat, fertilissimos reddere putatur. Vorotiniam, Colugam, Cerpacum, Corfyram, Columnam, Rezanam, Casinogorodum, & Muriniam alluit, tandemque Volgam infra Novogardiam inferiorem ingreditur, silvis utrinque clauditur, quæ melle, aspreolis, hermelis, & mattibus plurimum abundant. Effundit Senum & Sosnam, ex quibus **SEM** primò in Meridiem profluens, & mox cursu in Orientem converso Severientem Ducatum præterit, oppidoque Potivolo salutato, non procul à Czernihova Disnam bibit. **SOSNA** autem cursu in Orientem directo, per Tartarorum campestria in Tanaim defertur. **TANAIS** fluvius nominatissimus, qui Europam ab Asia determinat, octo ferme à Tulla oppido in meridiem milliariis oritur, ex lacu quodam ingenti Iyvanovvieziero dicto, qui in longitudine & latitudine circiter centum milliaria extenditur, in que silva Okoniczkilies, vel, ut alij volunt, Iepiphanovvlies ortum habet. Ex hoc lacu Schad & Tanais, duo flumina magna, emergunt, Schad in Occidentem, Uppa fluvio in se recepto, Occam inter Occidentem & Septentrionem devolvitur. Tanais autem

Occa.

Tanais.

tem, Moscis Don, primo cursu rectà in Orientem fluit, atque inter Casinum & Astracanum Tartarorum regna, sex vel septem miliaribus à Volga fluvio, cursu nonihil in Septentrionem incurvato, labitur, dein reflexo in Meridiem cursu paludes facit, quas Mæotidis vocant, ad cujus ostia **ASOPH** civitas Turcis tributaria condita est, quæ prius Tanas vocabatur. Supra hanc quatuor aut quinque dierum navigatione ab Isthmo Tauricæ, quæ nunc Præcop dicitur, distat. Hic fluvius ab optimorum piscium copia singulari, item amoenitate, quòd utraque fluminis ripa diversis herbis radicibusque suavissimis, adhæc arboribus fructiferis plurimis variisque, in modum horti, quasi industriâ quadam exulta atque consita sit, satis commendari non potest: & quòd tanta ferarum, quæ parvo negotio sagittis conficiuntur, ibi sit multitudo, ut per ea loca iter facientes ad vitam sustentandam nullâ alia re, igni tantum saleque excepto, indigeant. Est etiam alter Tanais minor, qui in Severienti Ducatu ortum ducit, unde Donecz Severski nancupatur, qui supra Asophum in Tanaim defertur. **SURA** ex meridie decurrens infra Novogardiâ in Volgam exoneratur, Moscorum terrâ à Casanensi regno separat, quod ad Volgæ ripas longissimè porrectû, meridiem orienteq;

Tanais minor.

Sura.

versus

versus latissimos & fertilissimos Tartarorum campos  
 habet. **CLESMA** quatuor à Moscovia milliariibus  
 oritur, multisque ibi molendinis celebris, ac commo-  
 dus est, qui infra Volodimiriam usque ad Murinum  
 oppidum in Occælitore situm, spacio duodecim mil-  
 liarium navigatur, Occæque fluvio jungitur. **VGRA**  
 profundus & lutosus, non longè à Drohobus in silva  
 quadam oritur, interque Colugam & Vorotinum in  
 Occam exoneratur. Is fluvius olim Litvaniam à Mo-  
 scovia dividebat. **VIESMA** oppido ejus nominis  
 nomen dedit, qui haud procul inde uno ferè milliari  
 in Borysthenem fertur: solentque oneratae mercibus  
 naves inde Borysthenem devehì, atque post vicissim  
 ad verso Borysthene Viesmam usque portari. **VOLGA**  
 ex palude VVronovv ortum sumens, omnem ferè  
 Moscoviam pererrat, emensisque Casanensium &  
 Astracanorum terris, aliorumque Tartarorumque des-  
 fertis, septuaginta ostiis in mare Caspium sive Hircas-  
 num influit. Vocatur autem Volga à Tartaris Edel,  
 à Ptolomæo Rha: tantaque inter hunc & Tanaim in  
 campestribus est vicinitas, ut septem duntaxat milia-  
 ribus distare affirmant. **BORYSTHENES** juxta  
 pagum quendam Dnepersko fontes habet, unde ab  
 incolis Dnepr vocatur. Haud procul ab eo loco est  
 monasterium sanctæ Trinitatis, ubi oritur alius fluvius  
 prior

Clesma.

Vgra.

Viesma.

Volga.

Borysthe-  
nes.

us priore major, Dneprecz per diminutionem dictus.  
 Ambo autem hi fluvij inter Borysthenis fontes & pa-  
 ludem Vronovvo confluunt, quo loco Moscorum  
 Chlopigrodensium merces navibus impositæ in Lith-  
 vaniam deferuntur, solentque mercatores ibi in mo-  
 nasterium ceu diverforium divertere. Est autem Borys-  
 thenis cursus hic, ut meridiè primùm respiciens Vvie-  
 smam salutet, mox cursu in Orientem verso Droho-  
 busum, Smolenscum, Orsam, Dubrovvam, Mohilov-  
 vamque prætereat: indeque rursus meridiei obversus  
 Kioviam alluat, atque tandem per Tartarorum deserta  
 ad Præcopientes delatus, in Pontum Euxinum mul-  
 tis fluminibus receptis exoneretur. **DVVINA** lacus à  
 fontibus Borysthenis decem ferè miliaribus, & totidè  
 à palude VVronovv distat. Ex eo fluvius ejusdem no-  
 minis Occidentem versùs, qui à Vilna viginti miliaribus  
 abest, ac dein in Septentrionem decurrit, & prope  
 Rigam mare Germanicū illabitur: alluit Vitepscum,  
 Poloscum, & Duneburgum. **LOVATVS** cæteris tri-  
 bus minimè comparandus, oritur inter lacū Dvvina,  
 ac paludem Vronovo, aut ex ipsa palude. Est autem  
 ille fluvius, ut Rusorum annales habent, in quem S.  
 Andreas Apostolus ex Borysthene per siccum navicu-  
 lam traduxit, & qui emensis quadraginta ferè miliaribus  
 Vielicolucum alluit, inque Ilmen lacum influit.

Dyvina.

Lovatus.

**VOLCHOVV** Novogardiam interlabitur, emensisque triginta sex miliaribus Ladoga lacum ingreditur, qui in latitudinem sexaginta, in longitudinem centum penè miliaribus, insulis tamen quibusdam interjectis, patet: effunditque magnum fluvium Neoa, qui Occidentem versùs in Germanicū mare sex ferme miliaribus decurrit. **NARVA** ex lacu Czuczko oritur, duobus in se fluviiis receptis, Pskovva & Vvelikarska, qui venit ex meridie, Opoczka oppidum Pleseovia à dextris relictā præterfluit, tandemque mare Livonicum influit. **VOLOCHDA** oppido & castro Volochedæ nomen imposuit, eamq, in Septentrionem præterlabitur, cui Suchana fluvius ex lacu Koinskavvoda emergens, octo miliaribus infra civitatē jungitur, nomenque Suchanæ retinet, atque inter Septentrionem & Orientē labitur. **VAGA** inter Bieleieziero & Volochedam in paludibus densissimisq; silvis oritur, ac Dvvinam fluvium illabitur. Accolæ, quòd pane ferè careant, venatione victitant. Capiuntur ibi vulpes nigræ, & coloris cinericei. **VIA TKA**, qui regioni ejusdem nominis nomē dedit, in Camam se exonerat, ad cujus ostia Czeremissi latrociniantur. **PECZORA** regioni etiam nomen tribuit, à meridie fluens in Oceanum glaciale, juxta oppidum & castrum Pusteiezioro sex amplis ostiis exoneratur. Ultra hunc fluvium montes illi sunt

altis

altissimi, ad ripas usq; protensi, de quibus antè. Circa ostia hujus fluvij, quæ sunt dextrorsū ab ostiis Dvvinæ, varia magnaq; in Oceano animalia esse dicuntur. Inter alia autè animal quoddā, bovis magnitudine, quod accolæ **MORS** appellant. Breves huic instar castorum sunt pedes: pectore pro reliqui corporis sui proportione aliquantò altiore latioreque, dentibus superioribus duobus in longum prominentibus. Hoc animal sobolis ac quietis causā cum sui generis animalibus Oceano relictō gregatim montes petit: ubi, antequam somno, quo naturā profundiore opprimitur, se dederit, vigilè gruum instar ex suo numero constituit. Qui si obdormiscat, aut fortè à venatore occidatur, reliquatum facilè capi possunt: sin mugitu, ut solet, signum dederit, mox reliquus grex excitatus, posterioribus pedibus dentibus admotis, summā celeritate tanquā vehiculo per montē delapsi, in Oceanū se præcipitant: ubi in supernatantibus glacierum frustis pro tempore etiam quiescere solent. Ea animalia venatores solos ob dētes insectantur, ex quib. Mosci, Tartari, & imprimis Turcæ gladiatorum ac pugionum manubria affabrè faciunt, hisque pro ornamento magis, quàm ut graviores ictus incutiant, utuntur. **VSSA** fontes suos habet in monte Poyas Semnoi, qui ab ortu æstivali ad lævam est, fluitque ex ingenti ejusdem montis saxo, quod **Kamen**

Mors animal  
terribile  
in mari  
& terra  
degens.

vffa.

K 2



men Bolschoi vocant. Ab Vsfæ fontibus usq, ad ejus ostia ultra centum miliaria numerantur. Porro Peczo-  
 ra à meridionali hac parte hiemali fluit, à quo ex Vsfæ  
 Obdy. ostiis ascendendo, usque ad Suchagoræ fluvij ostia, is  
 ter trium hebdomadarum est. O B D Y oritur ex Kitay-  
 sko lacu amplissimo, cujus adeò vasta latitudo est, ut  
 ad sedecim milliaria in latitudinem pateat, quæ navi-  
 gantes vix bidui spacio trajiciunt. Piscibus adeò abun-  
 dat, ut navigantium remigiis premantur. C O S S I N  
 Cosfin. ex Lucomoriæ montibus delabitur, in hujus ostiis  
 Cosfin castrum est. Eò à Cosfina fluvij fontibus est duo-  
 rum mensium iter. Porrò ex ejusdem fluvij fontibus  
 Casfima. alter fluvius C A S I M A oritur, emensque Lucomor-  
 riâ in magnum fluvium Tachuin influit, ultra quem  
 prodigiosæ formæ homines habitare perhibetur, quo-  
 rum alij ferarum more toto corpore pilis horrent: alij  
 caninis capitibus, alij prorsus sine collo pectus pro ca-  
 Tachnin. pite habent, longasque sine pedibus manus. Es-  
 se adhuc & in TACHNIN fluvio pisces quosdam fertur,  
 capite, oculis, naso, ore, manibus, pedibus, aliisque hu-  
 manâ prorsus formâ, nullâ tamen voce. Habet & Mos-  
 Lacus. scovia lacus, qui deciduo syderum semine pisces gene-  
 Lacus albus. rant. In his Princeps est lacus albus, Moscis B I E L E  
 IEZIERO, ad duodecim millia in longitudinem,  
 totidemque in latitudinem extensus, qui gremio suo  
 trecentos, & sexaginta fluvios excipit, solo tantum So-

na in Volgæ fauces emissio. Qui & hoc nomine me-  
 morabilis est, quòd arx munitissima in eo sit extructa,  
 quò Moscorum Princeps gazam confert suam, si quâs  
 do belli terror adsit. Ab hoc lacu intra teli jactum, est <sup>Sulphu-  
rcus.</sup> alius lacus, naturam sulphuris referens, vel ipsum et-  
 jam sulphur proferens. Inscitiâ tamen gentis ejus ibi  
 nullus usus est. Secundum hunc est I V V A N O I E Z I E  
 R O, id est, lacus Iohannis, qui ad centum miliaria se <sup>Lacus  
Iohannis.</sup> extendit. In lacu K I T A Y Obdy fluvius fontes suos ha-  
 bet. Ab hoc lacu hominis nigri, sermonis expertes,  
 ad Grustinam arcem, omnis generis merces adferen-  
 tes, venire assolent, quas illius loci incolæ ab ijs emunt,  
 vel mercibus permutant. I L M E N lacus supra Novo <sup>Ilmen.</sup>  
 grodiam in longitudinem octodecim milliarium, in  
 latitudinem verò duodecim patens, duos præter alios  
 celebriores fluvios excipit, Lovatum & Scholona. Is  
 ex quodam lacu emergit, unum verò emittit V O L  
 C H O V V, qui Novogardiam interlabitur, decursusque  
 triginta sex milliariibus L A D O G A M lacum ingredi-  
 tur. D V V I N A lacus à fontibus Borysthenis decem <sup>Dyvina.</sup> fe-  
 re miliaribus, totidem à palude Vronovvo distat. Ex  
 eo fluvius ejusdem nominis Occidentem versus, qui à  
 à Vilna viginti abest milliariibus, ac dein, in Septen-  
 trionem deflectit, & prope Rigam mari commiscetur.  
 Sunt & alij lacus non pauci, sed ignobiles, Lagoda,  
 K 3 Czuczko

Czuczko, Kulvius, & quidam alij. Ne hinc prætereunda est insula **SOLOVVKI**, Septentrionem versus, inter **Dvvinam** & **Corelam** provincias, à continenti octo miliaribus in mari posita. Distare à Moscovia trecentis miliaribus, à Bieleieziero ducentis dicitur. Est etiam ibi dives piscium piscatio, qui Selgi indigitantur.

**PISCIMUM** in Moscovia copia haud mediocris. Ante alios ingentes & sapidissimos pisces, præsertim sturiones, Volga nobilissimus præbet: & ij quidem hyeme multâ inclusi glacie recentes pluribus diebus asservantur. Habent præterea pisces quosdam peculiare, quos ipsi suâ linguâ **BELUGA** vocant, miræ magnitudinis, sine spinis, capiteque, & ore amplo. Habet & aliorum piscium varietatem ferme incredibilem, & præsertim alborum pisciculorum saporis eximij. Ex hoc fluvio pisces in lacum & fluvium Bieleieziero pervenientes, tantò nobiliores, quantò diutius in eo fuerint, redduntur. In quibus agnoscendis ea est piscatorum peritia, ut pisces in Volgam reversos captosque, quanto tempore in eo fuerint, agnoscant. In **Tanaï** optimorum piscium abunde satis est. **OCCA** piscium multitudinem, qui cæteris Moscoviæ fluminibus præferuntur, habet. **Dvvinæ** provincia omnis generis piscibus affluit, ex quibus incolæ victum acquirunt. In insula **Solovyki** piscium Selgorum abundantia. In **Tach-**

**Tachin** fluvio pisces quidam nasci dicuntur, qui capite, oculis, naso, ore, manibus, pedibusque hominem referunt, sed absque ulla vocis expressione, qui, ut alij pisces, sive ex se præbent obsonium. Sunt & **PALUDES** crebræ vastæque, ex quibus fluvij non pauci oriuntur. Et quidem in silva, cui cognomen **Volkovskiles**, palus est profunda, **VVRONOVV** dicta, ex qua fluvius non ita magnus duobus ferè miliaribus in lacum **Volgo** influit, **Volga**que derivato à lacu nomine vocatur. Cis **Mscenecum** castrum dirutum, sunt paludes densæ, in quas incolæ periculo instante tanquam in castrum confugiunt.

## CAPUT IIX.

*De habitatione, vestitu, atq; victu.*

**AEDES** Moscorum ubivis truncis abiegnis contextuntur, inferiore trabe quodam alveo superjacentis rotunditatem ita excipiente, ut hac solâ admissurâ omnem propemodum flatum excludant: solent tamen juncturæ muscari. Forma ædium quadrata est, fenestræque perangustæ, per quas impage translucentâ pelle obductâ lumen admittunt. Domorû tectata bulatis fiût, arborû corticibus foris inductis: intus ad parietes lata habet scamna. Hæc passim pro accubitis, lectorû enim usus vulgo ignotus. Ignis in hypocaustis

seu vaporariis manèstructus, totam domum pro modo tepidam ac calidā reddit. Vestibula ædium quamvis ampla & alta habeant, fores tamē humiles sunt, ita ut ingresurus quispiam demittere se cogatur. In singulis verò habitationibus imagines Sanctorum pictas aut fusas loco honorificentiore habent, hasque pro penatibus venerantur. Cū autem alius ad alium visum sit, ingressus habitationem, non ilicō domus dominum salutatur, sed protinus caput aperiens, ubi imago sit, circumspicit, quāvis, ter se crucis signo munit, inquam: **DOMINE MISERERE.** Post salutatur hospitem his verbis: **Deus det sanitatem.** Mox porrectis manibus salutantes inter sese deosculantur, capitibus more patrio frequentius inclinatis. Dein mutuō se intuentur, vter magis se incurvet: atque ita ter quaterque caput alternatim inclinando de honore quodam modo concertant. Hospes tandem abiturus, rursus ter se signat cruce, priora verba reverenter proferens, salute ultrō citroque datā discedit. Si est alicujus dignationis vel autoritatis, eum tum hospes ad gradus usque sequitur: sin præstantior, longius comitatur habitā & observatā cuiusque dignitate.

*Vestitus.* Vestes omnes oblongas absque plicis ad talos demissas gestant, præcipuè verò albi coloris. Pileos albos apicatos crustatosque ex lana coacta usurpant, in  
quis

*Ceremonia in aliterius domum ingrediendum.*

quibus est nobilitatis insigne, quò enim porrectiori ac elatiori utuntur pileo, eò splendidiores vulgo habentur. Ocreis omnes ferè rubeis, iisque brevioribus, ut quæ genua non attingant, utuntur, quarum soleas in digitis paululū erectas claviculis ferreis muniunt: indusia variis coloribus sericeis circa collum exornata, apud nobiliores auro intertexta in usu sunt, eaque molibus gemmis, seu globulis argenteis aut cupreis decoratis constringunt. Cruces argenteas vel aureas gemmis distinctas præstantiores, vulgus ferreas vel etiam cupreas pro sacramento quodam collo appensas habet. Omnes autem & singuli suæ conditioni vestibus convenientibus ex præscripto mandatoque Principis utuntur, nam tenuioris fortunæ vulgarisque familiæ hominibus vestes preciosiores elegantioresque gravi sub pœna interduntur. Si autem aliquem obscurioris familiæ eleganter vestitum conspiciunt, proditorem perfidumque eum appellant, ac suspicionis ei notam incurrunt. Alius itaque habitus minorum gentium Nobilibus, aliis magnatibus & consiliariis, aliis civibus & colonis præscriptus est, secundum uniuscujusque conditionem, ac rei familiaris modum & amplitudinē.

Victus gentis præsertim opulentiorum utcunque lautus, non tamen opiparus, licet omnia cibaria ex  
quo veneant precio. Majoris & minoris pecoris ma-

*Victus actio.*

gna est copia, & occisæ mediâ hyeme juvenæ, concretis gelu carnibus, duorum ferè mensium spacio nõ putrescunt. Gallinæ etiam & anates singulis sæpè argenteolis numis veneunt, obsonia nobiliora aucupio & venatione parantur, piscium etiam optimorum ac sapidissimorum haud mediocris abundantia. Tenuioris fortunæ hominum victus satis parvus, etiam Nobilium pauperiorum, qui turpe non ducunt cortices seu putamina fructuû, præsertim melonum, allij, ac ceparum abjecta humo tollere, ac devorare. Potus ipsorum communis cerevisia est, ex tritico, vel hordeo, atque lupulo cocta. Medo item seu mustum ex melle aquato coctoq; conficitur. Quem potum utrumq; per æstatem in frigidare, infusâ poculis glacie, voluptatis gratiâ consueverunt, nam ingentia glaciei frustra in cellis subterraneis Nobiliû singulari studio reconduntur. Sunt & qui in deliciis habeant succum ex subausteris cerasis expressum, saporis gratisimi. Vinis advectitijs in festis convivijs tantùm & sacrificiis utuntur. Ante alia Creticum subdulce maximè in precio est, sed in medicina usi duntaxat, vel principalis luxuriæ ostentationem. Vini cremati etiam apud eos usus frequens est, quod cum ad frigus depellendum, tum ad ebrietatem ferè bibunt.

*De educatione, exercitiis, moribus, ac forma corporis.*

Iuventutis educatio ferè nulla, paucæ enim ibi scholæ, pauca gymnasia, & in quibus Nobiliû pueri lingvâ frequenter nativâ, vel maximè sacris instituuntur. Pauci sunt, qui lingvis operam dant peregrinis, præter Græcam, cui incubunt ob Patrum monumeta, omniumq; eorum gratiâ, quæ à Græcis derivata, ad eorum religionem, vel mores accommodari queunt. Pueri & adolescentes festis diebus in loco quodam amplo, unde videri exaudiriq; à pluribus queant, conveniunt. Quibusdam autem sibilis, ceu signo dato convocantur, convocati ilicò concurrunt, manusq; conferunt. Certamen pugnis ineunt, mox pedibus promiscuè ac magno impetu faciem, guttur, pectus, ventrem, verenda contundunt: aut quacunque ratione possunt, alios alij inter se de victoria concertantes prosternunt, adeò ut sæpe inde exanimati asportentur. Cæterùm quicumque plures vincit, diutius in arena durat, fortiterque verbera tolerat, is præ cæteris laudatur, victorque celebris habetur. Hoc verò certaminis genus ideò institutum est, ut adolescentes verbera, & ictus quoscunque perferre advescant. Mores gentis

Educatio

Certamina &amp; lusus.

Mores.

gentis tales sunt, ut illi Principem summè venerentur, fideliterque diligant: alioqui frigus, inedia, atque omnis generis asperitatem, adversaq, fortunæ rigorem ferunt, imò ad mortem oppetendam etiam paratissimi sūt. Libido tamē ac lascivia in eis vituperatur maxima, propter quam impuberes quoque matrimonia contrahentes, nihilominus tamen pæderastian exercent. Non aperti, non ingenui, non simplices, sed versuti potius, astuti, & fallaces. Ad iram tardi, in paupertate superbi. Faciles atque tractabiles, si asperè tractentur, vel etiam verberibus accipiantur, gratiæ & amoris signū haud vulgaris habentes, idque non solum apud inferioris conditionis homines fit, sed etiam primariae notæ Nobiles atque Consiliarios. Principi suo ac magistratibus obediunt, etiam in iis causis, quæ vel vitæ detrimentum periculumque adferre videntur. Staturâ sunt mediocri, at quadratâ & torosâ, brachiis lacertis, Forma corporis que plurimum valentes, totoque corpore adeò robusti, ut cum ursis absque ullo amorum genere, solis viribus confisi, sæpius congregari ausint, ursumque per aures arreptum tam diu fatigant, donec profus lassum prosternant. Color corporis candidus, capillus flavus, vel magis albicans, oculi cæsi, barba prolixa, crura brevia, ac ventres extenti.

CAPUT

CAPUT X.

*De peregrinatione atq, conviviis.*

**P**eregrinationes in loca externa suscipere nullas solent, nisi quos Princeps in legationem mittit, qui Peregrinatio. bus tamen custodes apponuntur: quorum est præstò adesse semper, & ne legati quid liberiùs cum externis colloquantur, aut commercia agitent, observare. Proinde non satis probè perspectis aut cognitis cultiorum hominum moribus, ipsi in sua barbarie, & innatâ illâ ac servili simplicitate permanent, nec animum ad ingeniorum culturam adhibent, neque ad libertatis aliquam cupiditatem adspirant, sed præsentis status servitute reque delectantur. Quam etiam alia confirmant, ut amor consanguineorum aut propinquorum, ac metus, ne illis à Principe adversi quid eveniat. Nam si quos officiis præficit, ut exercitibus, præsidiis, præfecturis, obfidum loco conjuges, liberos, cognatos eorum, & quæcunque illis novit esse charissima, penès se semper retinet: in quos dein omnia exquisitorum suppliciorum edit exempla, si quid illi deliquerint, aut nonnunquã per imprudentiam malè, nec ad ejus voluntatem rem gesserint, aut si qui ab eo desciverint.

Convivia rariùs celebrant, præsertim vulgus, in Convivia. ebriari enim ipsis sub pœna prohibitum est, exceptis certis

L 3

certis in anno diebus, utputa Natalitiis, Paschatos, Pentecostes, & alijs quibusdā divorum festis solenni- bus, quibus potare illis licet. Nobilibus & Consilia- riis concessum est nullum cerevisiamque bibere, qui commestationibus nonnūquam solidum comburunt diem. In computationibus alter alteri præbibens, pri- mō salutem Principi, omnia fausta & felicia (nomine proprio eum appellans, titulosque regionum enume- rans) exoptat, idem ante & post prandium omnes ac singuli precantur.

## CAPUT XI.

*De Nobilibus, servis, colonis, & Operariis.*

Nobiles  
in Mo-  
scovia  
quales.

**N**obiles cum aliis insignibus à plebe distinguuntur, tum quòd patris nomen titulis aliis ad exemplum Principis soli præscribant. Magnificum hoc apud il- los, eoque ad æquales aut inferiores solum utuntur. Ad Principem non modò patris nomine usurpando abstinēt, sed ne suum quidem, nisi propriā linguæ e- jus enunciatione quodammodo corruptum, quo non solum servos ejus, sed quasi homunciones, non homi- nes cum illo comparatos, se significant, apponunt. Cæ- terum hæc gens servitute magis, quàm libertate gau- det: omnes enim passim magnates, nobiles, præfe-

Forum  
servitus.

cti, &

cti, & consiliarij gravissimā à Principe premuntur ser- vitute, seque vilissimos ejus servos fatentur, ac bona o- mnia mobilia atq; immobilia, quæ possident, nō sua, sed Principis esse dicunt. Quamvis autē omnes juxta du- rā serviant servitutē, superbi tamē sunt in hac servitute ac paupertate sua, adeò ut ignotis ac pauperioribus et- jam ad minorū gentium Nobiles difficilis sit aditus, qui veleo nomine in publicum minùs sæpe prodeunt, quò majorem autoritatem sui que observantiam reti- neant. Nullus præterea Nobilis, qui paulò conditio- nis lautioris est, ad quartam vel quintam domum pe- des progreditur, nisi equus subsequatur. Hyemis tem- pore, cum equis soleis carentibus propter glaciem abs- que periculo uti non possint: aut quando regiam, aut divorum templa fortè ingrediuntur, tum eqvos domi relinquant. Ac licet Nobilis pauper fuerit, ignominio- sum tamen putat laborare. Hoc tamen laudabile in- primis in hac gente, quòd Principi suo sint obsequen- tissimi. Quando enim aliquem magni nominis vi- rum ad bellū proficisci jubet, mandatum illi lite- ris consignatum mittit. Si autem vel prandens, vel cœnans, vel dormiens offensus à tabellione Principis, literas, quibus in militiam ire juberetur, acceperit, con- tinuò à mensa lectove surgens, equum ipso inspi- ciente

ciente armatus ascendit, mandatumque Principis se executurum ostendit. Atque sic omnes, qui per rei familiaris facultates possunt, propriis militant sumptibus.

Servi.

Servi Magnatibus ac Nobilibus majori ex parte empti aut capti sunt, quos autem liberos in servitio nutriunt, ijs non est integrum quolibet tempore discedere. Si aliquis contra Domini sui voluntatem abit, nemo eum famulatio dignatur: si dominus bonum ac commodum famulum non bene habet, quodammodo apud alios eo nomine male audit, neque posthac alios famulos facile nancisci potest. Morituri vero ut plurimum certos servos manu mittunt: qui se tamen continuo aliis dominis, pecunia accepta, in servitutem vendicant. Si pater filium, ut mos est, vendit, & is quocunque tandem modo liber factus, aut emancipatus fuerit, pater hunc rursus atque iterum jure patriae potestatis vendere potest. Post quartam autem venditionem nil juris amplius in filium habet. Ultima poenam solus Princeps servos atque alios afficere potest.

Ius patris in filium.

Colonorum etiam sive agrestium fortuna atque conditio haud melior est, illis enim dies privato labori conceditur. Habent aliquot privatos, & a dominis suis attributos agros prataque, ex quibus vivunt: reliqua omnia sunt dominorum. Sunt praeterea iniquioris conditionis, quod illorum bona praedae Nobilium

in hebdomada  
Coloni.

lium atque militum exposita sunt: a quibus etiam per ignominiam Christiani, aut nigri homunciones vocantur. Conductitio qui vivunt labore, & operam vendunt suam, mercedem unius diei referunt dengam cum dimidia: opifex duas. Est autem Denga numus unius grossi Polonici aestimatione. Neque hi strenue laborant, nisi bene baculati. Credunt enim, se Dominis suis displicere, signumque esse indignationis, si non plagis excipiantur.

Operarii

## CAPUT XII.

## De Moscorum religione.

Religionem Christianam a sancto Andrea Apostolo Moscos accepisse annales ipsorum loquuntur, quem ex Graecia per Pontum Euxinum ad Borysthenis ostia appulisse, enavigatisque Ponti Euxini undis Kioviae pervenisse, ac genti numinis colendi rationem primum ostendisse: ex Kiovia tandem ad Borysthenis fontes devenisse, indeque per Oceanum Romam navigando rediisse ferunt. Hanc itaque se in hunc usque diem sequi gloriantur. De qua nonnulla strictim dicenda: ac primum de Missa, cujus sacrificium more Graecorum pane fermentato, & non azymo peragunt: calici item tantum aquae, quantum vini rubei miscent, quam etiam aquam esse volunt calidam, quod ex late

Religio.

Missa.

M

Communi-  
o.

re Servatoris nostri non sine mysterio profluxerit sanguis & aqua, quam fuisse calidam credere piis existimant, alioquin enim miraculū vix censerī posse. Communicant autem sub utraq; specie, miscentes panē vino, seu corpus sanguine, sumitque sacerdos cochleari ex calice portiunculā, porrigitq; communicanti. Porro quotiescumq; aliquis in anno voluerit, modò confessus fuerit, corpus Domini sumere potest, alioquin tēpus ad Paschatis constitutum habent. Pueris septem annorum administrant sacramentum, eam enim aetatem ut aptam ad discernendū inter bonum & malum, rectum & pravum, lepram & non lepram: sic ad peccandū facile pronā esse autumant. Si puer infirmus fuerit, aut fortē animā agere cōeperit, ut de pane sumere non queat, infunditur ei gutta vini consecrati ex calice. Sacramentum ad communicandum, nō nisi dum sacrum sit, pro infirmis autē die Iovis in majori hebdomada consecratur, ac per integrum servatur annū. Verūm quū fuerit necesse, accipitur inde portiuncula, quae vino intingitur, ac benē humectata praeberetur aegroto, dein aquae tepidae modicum additur. Baptismi sacramento hunc in modū utuntur: Nato infante, mox accersitus sacerdos ante habitationis januā, in qua puerpera est, certas stando recitat orationes, infantiq; nomē imponit. Post quadragesimo communiter die, si fortē infans malē habeat, defertur in templū, ac sacro fonte

Baptis-  
mus.

abluitur, terq; in aquam totus immergitur: alioquin baptisatum non crederent. Mox inungitur chrismate hebdomadā magna initiato, tandē & myrrhā. Aqua verò baptismatis singulis sacratur infantib; ac continuo post baptismū extra templi portā effunditur. Semper verò infantes in templo baptisantur, nisi lōginquitas loci nimia, aut frigus infanti oblit, neque unquam aquā tepidā, nisi pro infirmis utuntur. Sal, nec saliva cū pulvere mixta ab illis adhibentur. Susceptores sive baptismi testes ex parentū voluntate assumuntur, ac quoties circa baptismum, praeunte certis verbis sacerdote, Diabolo renunciant, toties in terrā expuunt. Sacerdos etiā infanti capillos abscindit, eosq; ceræ intricatos in templo certo deponit loco. Confirmationē baptismi vanā esse putant, eo quòd in omnib; synodis, praecipuè verò Nicenā, dictum est, confiteor unum baptismum in remissionē peccatorum. Quum verò unum sit baptismum, unum etiam chrisma esse, eandemque virtutem sacerdotis ac Episcopi circa sacramenta distribuenda asserunt. Confessionem quamvis ex constitutione habeant, vulgus tamen eam Principum opus esse, ac praecipuè ad magnates atque nobiles pertinere existimat. Confitentur circa tempus Paschale magna cum cordis contritione: quibus poenitentia juxta delicti quantitatem qualitatemve irrogatur, aliis je-

Confir-  
matio  
baptismi.Confes-  
sio.



jejunia, nonnullis breves preces quædam injunguntur (Dominicam enim orationem pauci norunt, pauciores symbolum Apostolicum, paucissimi decalogum, namq; rem tam arcanam ac sacram in vulgus enunciari non oportere, decalogum autem Christi sanguine antiquatum esse tradunt). Quosdam, qui graviter aliquid patraverint, sacrâ abluunt aquâ, quam Epiphaniarum die ex profluente hauriunt, eam integrum per annum consecratam in templo pro peccatis gravioribus abluendis asservant. Peccatum insuper die Sabbathi commissum levius ducunt, minusque poenitentia pro eo imponunt. Sunt complures & levissimæ causæ, ob quas in templum non admittuntur, solent tamen exclusi plerumque portis ac fenestris templi adstare, atque inde non minus videre audireque sacra, ac si in templo fuissent. Purgatorium omnino negant, dicunt enim, unicuique vitâ functo secundum meritum suum locum esse, piis quidem lucidum, & amœnum cum angelis placidis: impiis autem obscurum, cæcaque caligine obductum, cum angelis terribilibus destinatum esse, in quo extremum expectant

*Purgatorium.*

*Extremum iudicium*

*De Spiritu S.*

judicium: quo quidem nil clarius, nil illustrius, nil probis hominibus optatius, nil improbis horribilius futurum opinantur. In articulo de Spiritu sancto, tertiam Divinitatis personam, à nostris Ecclesiis sic dissentiunt,

unt, ut eum à solo patre per filium procedere, perinde atque Græci, asserant. Festos dies viri præstantiores <sup>Festa.</sup> sacris peractis cultu corporis, epulis, atque ebrietate colunt. Vulgus plerumque laborat, feriari enim, & à labore abstinere dominorum esse præ se ferunt. Cives & mechanici sacris interfunt, quibus finitis, ad laborē redeunt, sanctius putantes, labori incumbere, quam bibendo, ludendo, ac id generis rebus aliis substantiam atque tempus inaniter perdere. Festum S. Trinitatis celebrant Pentecostes feriâ secundâ, octavâ verò festum omnium Sanctorum. Festa quoque beatæ Virginis jejunii indictis, orationibus, missis tum lectis, tum decantatis, communi Ecclesiæ Græcorum ritu, colunt. Ex sanctis Nicolaum imprimis venerantur, templaq; præcipua nomini ejus dicata erigunt, ac de ejus <sup>Sancti.</sup> miraculis plurimum quotidie prædicant. Divæ etiam Virginis magna apud illos reverentia est, crebris quidem orationibus veluti Christi mater pro intercessione apud filium rogitatur. Habent & in catalogo certos quosdam Pontifices Romanos, quos inter Sanctos referunt. Ceteros verò, qui post eorum schisma fuerunt, execrantur, tanquam eos, qui ab Apostolorum, Patrū, ac septem conciliorum ordinationibus defecerunt, ac tanquam hæreticos & schismaticos nuncupant. Per suam enim habent, septimo generali concilio, quod

M 3

sub

sub Adriano Pontifice celebratum est, decisum esse, ut ea, quæ in præcedentibus constituta atque determinata erant synodis, in posterum quoq; firma, rata, ac perpetua tenerentur: nec unquam posthac cuiquam lice-  
re aliud concilium aut indicere, aut accedere, sub anathematis pœna. Signo crucis quoties se signât, id manu dextrâ sic faciunt, ut frontem primû, dein pectus, mox dextram, ac demum sinistrâ pectoris partem punctim in crucis formâ tangant. Quod si quis aliter manû ducat, eum nō pro domestico fidei, sed pro alieno habent. Ieiunia illis solemnia singulis annis quaterna sunt. Primum in quadragesima-septem totis septimanis: quarum primâ lacticiniis vivunt, quam serna sive maslina appellant, hoc est, butyraceâ sive caseaceam. Sequentibus verò septimanis omnes præter peregrinantes, etiâ piscibus abstinet, oleribus, cauliculis, raphano, fungisq; contenti. Sunt qui diebus Dominicis ac Sabbatho cibum sumunt, reliquis diebus, nisi frustulo panis in meridie refecti, ab omni cibo abstinent. Reperiuntur etiâ nonnulli, qui diebus Lunæ, Mercurij, ac Veneris panis frusto cum aqua sumpto acquiescunt. Reliqua per annum jejunia non ad eò exactè tenent. Jejunant autem post octavam Pentecostes, usq; ad terias Petri & Pauli Apostolorum, diciturque jejunium D. Petri. Deinde habent jejunium D. Mariæ Virginis à calendis Augusti

Ieiunia

Butyracea seu caseacea.

Augusti usque ad assumptionem ejus, quam decimus quintus calendarij adscriptam habet. Denique jejunium Philippi, quod initium ejus jejuniij contingat festum Philippi, juxta eorum fastos. Quod si festum Petri & Pauli, Assumptionis item D. Virginis inciderit in Mercurij aut Veneris diem, tum nec eâ die carnibus vescuntur. Si verò in majori quadragesimæ jejunio aliquis solennis dies inciderit, eo piscibus victitant. Cæterum monachis multò graviora jejunia sūt, quos potu acido, & aquâ fermento mixtâ contentos esse oportet. Sacerdotibus quoq; aqua mulla ac cerevisia eo tempore sunt prohibita, licet nunc omnes leges statutaque varientur. Porro extra jejunii tempus die Sabbathi carnes edunt, Mercurij verò ijs abstinet. Jejunantes verò ad solis occasum usque nec edere quicquam, nec bibere consueverunt. Sequentibus tamen diebus crapulâ atq; ingurgitatione abstinentiam benè compensant. Decimæ nō, ut alibi mos est, propter sacerdotes, sed propter pauperes, pupillos, infirmos senes, advenas, captivos, atque pauperes sepeliendos instituta sunt à Volodimiro Principe de omnibus rebus dandæ, iuvandos etiam eos, qui numerosam habent sobolē, quibus vè bona igni absunta sunt, ad sublevandam deniq; miserorum omnium inopiam, monasteriorum, pauperumq; ecclesias, & in primis propter defunctorum ac vivorum refrigerium.

CAPUT

*De personis ecclesiasticis.*

**Q**uantum ad personas ecclesiasticas, unus erat olim totius Rusiæ Metropoli-  
 Meta-  
 lira. ta, tam Moscorum, quam  
 Litvanorum Ducibus tributarius, cujus primum Kio-  
 viæ, dein Volodimiræ domicilium erat, tandemque  
 sedes in Moscoviæ metropolin translata est. Post quæ  
 Metropolitæ septimo quoque anno Rusiam Litvanis  
 subjectam inviserent, exactisque inde numis redirent,  
 Vitoldus M. Litvaniæ Dux hoc; ne videlicet provin-  
 ciæ suæ argento expilarentur, ferre noluit. Convocatis  
 itaque Episcopis, proprium constituit metropolitam,  
 cui sedes Vilnæ addicta erat. Cæterum omnes Russo-  
 rum Metropolitæ suam à Patriarcha Constantinopo-  
 litano habent autoritatem. Eligebatur autem primò  
 omnium Metropoli-  
 ta, convocatis omnibus Archiepi-  
 scopis, Episcopis, Abbatibus, ac Prioribus sive præfe-  
 ctis monasteriorum. Inquirebatur vir sanctioris vitæ per  
 monasteria atque eremos, eligebaturque. Post hæc  
 Principes ad se certos convocare, ex eorumque nume-  
 ro unum suo iudicio deligere solebant. Sunt & duo  
 Archiepi-  
 scopi. scopi, Novogrodensis & Rostoviensis. Epi-  
 scopi sunt: Tuerensis, Resanensis, Smolenscensis, Ple-  
 scoviensis, Permiæ, Susdaliæ, Columnæ, Czerni-  
 ho-

via

via. Hi quidem omnes Metropolitæ Moscovitico sub-  
 jecti sunt. Habent autem Episcopi proventus ex præ-  
 diis certos, & aliis extraordinariis, ut vocant, acciden-  
 tibus. Abbates tantum duo sunt Priores verò mona-  
 steriorum plurimi, qui omnes arbitrio ipsius Princi-  
 pis, cui nemo resistere audeat, eliguntur. Sacerdotes,  
 quos seculares vocant, ut plurimum consecrantur hi,  
 qui diu apud ecclesias servièrunt. In diaconum autem  
 nemo consecratur, nisi conjugatus, unde plerumque &  
 matrimonio copulantur, & in diaconatum simul or-  
 dinantur. Uxore defunctâ, sacerdos à sacris suspendi-  
 tur, nisi monasterium ingressus juxta regulam vivat:  
 officii etiam atque aliis rebus divinis cum cæteris Ec-  
 clesiæ ministris choro, tanquam minister, interesse  
 potest. Si sacerdos viduus ad nuptias secundas, quod  
 cuique liberum est, transierit, is nil habet cum clero  
 commune. Nullus sacerdotum monachorumve suas  
 horas canonicas recitat, nisi habeat imaginem alicuius  
 divi præsentem: quam etiam nemo nisi veneran-  
 ter attingit. Qui verò eam in publicum profert, manu  
 in altum tollit, quam omnes prætereuntes, cruceque se  
 se signantes, inclinando plurimum venerantur. Nul-  
 lus item eorum aut sacra obire, aut baptizare, aut alio  
 quovis fungi munere audeat, nisi diacono præsentem.  
 Omnes sacerdotes in ecclesiis primum tenent locum,  
 N & sus

& sustentantur plerunque ex contributione quadam certa, assignanturque illis domunculæ cum agris & pratis, unde victum suis aut famulorum manibus acquirunt. Oblationes tenues habent: aliquando ecclesiæ pecunia datur ad usuram, eamque sacerdoti pendunt, ne suis illum alere sumptibus teneantur. Sunt etiam, qui Principum liberalitate vivunt. Pauca parochiæ reperiuntur, prædiis ac possessionibus dotata, exceptis Episcopatibus, ac quibusdam monasteriis. Nulla parochia seu sacerdotium confertur cuiquam, nisi sacerdoti. Cæterum in singulis templis unicum tantum altare, & in dies singulos unicum quoque sacrum faciendum putant. Rarissimè templum reperitur sine sacerdote, qui ter in hebdomada tantum sacra peragere obstringitur. Habitu haud dissimili à secularibus utuntur, extra pileum parvum ac rotundum, quo rasuram tegunt, pileum amplum contra calorem atque imbrem superimponunt, aut pileo oblongo ex castorum pilis colore griseo teguntur. Comam ad brachia protersam omnes nutriunt. Baculos, quibus innituntur, cum manubriis incurvatis gestant. Monasteriis præsent Abbates & Priores, qui leges ac regulas severissimas habent, carnibus perpetuò abstinentes. Sunt non pauci, qui ex monasteriis in eremum se abdunt, ibique tuguriola erigunt, quæ aut soli, aut cum sociis incolunt, victum ex terra & plantis

Habitus  
sacerdotum.

Abbatum &  
Priorum  
regulæ.

quærentes. Metropolita, Archiepiscopi, atque Episcopi, quàmvis ipsi carnes nunquam edant, tamen quum hospites conditionis civilis invitant, eo tempore, quo carnibus vesci fas est, hanc habent prærogativam, ut carnes illis in convivio apponant, quod Abbatibus & Prioribus vetitum est. Quoties alicujus monasterii antistes fato concedit, Princeps bona cœnobii invadit, armenta, greges, supellectilem, aurum, argentum rapit: aut is, qui demortuo antistiti succedit, hæc à Principe pecuniâ redimit. Episcopi, quos illi Uladicas vocitant, circa res divinas saltem, ac ipsam religionem promovendam sunt occupati: rem verò familiaræ, aliaque negotia publicis officialibus administranda committunt. Horum vestes quotidianæ sunt, ut & aliorum monachorum, nisi quod aliquando sericeas

Episcoporum  
munus.

Vestes.

Doctores  
res Ecclesiæ.

Gregorius Nazianzenus, & Joannes Chrysoftomus, quem illi Zlatousty, hoc est, aureum os habentem appellant. Gregorii etiam Pontificis Rom. libros de moralibus scriptos habent. Hi omnes ut & sacer codex in linguam Slavonicam translati sunt, religiosèque custodiuntur. Libros Evangelii non nisi in locis honestis, tanquam rem sacram reponunt, neq; manibus tangunt, nisi prius cruce se munierint, & capite nudato inclinatoq; honorem illis exhibuerint. Post summa cum veneratione in manus sumunt. Concionatoribus destituuntur, sufficere enim putant, sacris interfuisse, ac Evangelii, Epistolarum, aliorumque Doctorum verba, quæ linguâ vernaculâ recitat sacrificus, audisse: ad hoc, quod varias opiniones ac hæreses, quæ ex concionibus plerunque oriuntur, sese effugere credunt, festos dies proximæ septimanæ die Dominico annunciant, publicamque confessionem recitant. Principem porro ipsum quicquid credere & opinari videtur, id rectum, omnibusque sequendum statuunt. Monachis præsertim ordinis S. Benedicti per omnem vitam esus carniū interdictus est. Alimenta illis sunt salsamenta atque lactinia. Nec ex religionis instituto recentes pisces edunt, quaternis tamen illis jejuniis ne piscibus quidem victitant, caulibus ac cucumeribus sale conditis illis victus constat: potus his pertenuis ac

Concio.  
natores.

Monachi  
Benedicti.

ac dilutus, quotidie in templis divinam rem faciunt. Sacrum officium antelucano adeunt tempore, quod albescente die finitur. Circa nonam diei celebratur Missa. Post hanc prandetur, à prandio sacrum officium repetitur: nec non à cœna. Prudentibus cœnantibusve legitur Evangeliorum interpretatio. Monachi verò Eremitani, quorum potissima cura est in convertendis ad religionem Christianam hominibus, bonam jam olim barbarorum partem, diu multumque apud illos verbum Dei seminantes, ad Christianismum pertraxerunt. Proficiscuntur etiamnum ad varias regiones Septentrionem atq; Orientem versus, quò maximis laboribus, ac vitæ periculo perveniunt, nil inde commodi sperantes, at hoc unicum spectantes, ut animas multorum devio errore abductas in viam revocare rectam, ac Christo eas lucrifacere queant. Jurisdictioni Ecclesiasticæ subiacent omnes Abbates, presbyteri, diaconi, ac universus clericorum status: uxores item, filiique sacerdotum, medici, vi-duæ, obstetrices, & ii, qui miraculum ab aliquo Sanctorum acceperunt, quive emancipati sunt pro alicujus animæ salute: ministri deniq; singuli monasteriorum ac nosocomiorū. Quicquid itaq; inter prædictas personas simultatis seu discordiæ exoritur, Episcopus ipse tanquam competens iudex decernit ac dijudicat.

Monachi  
Eremitæ

Si verò inter laicos & hos aliquid controversiarum existit, iudicio communi decernitur. Quicumque autem sacerdotum contra religionem aut officium sacerdotale quavis ratione fecerit, iudicio ecclesiastico subicitur. Si verò furti aut ebrietatis accusatur, aut in aliud id genus vitii inciderit, à civili punitur magistratu. Si sacerdos queritur coram iudice politico, se à quopiam læsum esse (offensiones enim omnes atque iniuriæ ad forum civile spectant) tum iudex, si fortè cognoverit, hunc ab illo lacesitum, aut quavis injuriâ priùs affectum fuisse, sacerdotem punit. Episcoporum etiam est divortia tam inter Duces & proceres, quàm nobiles atque cæteram multitudinem, qui concubinas alunt, constituere. Ad Episcopalem item jurisdictionem pertinet, si quando uxor marito non obsequatur, si quispiam in adulterio seu fornicatione deprehensus fuerit, si uxorem consanguineam duxerit, si conjunx conjugii quippiam mali machinetur: divinationes item, incantationes, venena, contentiones, propter hæresin vel fornicationem susceptas: aut si filius parentes sororesve acerbè increpaverit læseritve: præterea venere utentes præposterâ, sacrilegos, mortuorum spoliatores, & qui ad incantandum de imaginibus Sanctorum, aut statua crucis quicquam avulserint: qui canem, avem, aut aliud aliquod

aliquod animal immundum in ædem induxerint aut comederint, punire.

## CAPUT XIV.

*De ædibus sacris, earumque supellectile.*

**A** Edes sacre ligneis trabibus contextuntur, ac plerunq; è media æde assurgit turris scandulis tecta. Foris adduntur ædi porticus. In coemeteriis fabricas ædificant ligneas, in quibus librantur campanæ, nunc singulæ, nunc binæ, nunc ternæ. Organorum pneumaticorum, sive mavis Pipinianorum (quæ Pipino primùm à Constantino Græcorum Imperatore missa feruntur) nullus in ecclesiis illorum usus est. Simulachra divorum in templis non admittunt: tabulas tamen eorum imaginibus pictas in sacris ædibus frequentes habent; his dona offerunt, his cereos accendunt: has etiam sacro fonte aspergunt, quibus alioqui nullus est honos. In ædibus privatis statuas instar penatium colunt. Cœnobiorum non exiguus est numerus, præsertim ordinis S. Benedicti, quibus magni agrorum sunt redditus, quippe tertiam fundorum partem totius Moscoviæ tenent Monachi. Haud longè à Moscoviæ metropoli abest monasteriû S. Trinitatis amplissimum, ubi trecenti monachi perpetuò ferè sub regula Basilii Magni vivere perhibentur.

In

In quo etiam Sergii Abbatis sepulcrum multis miraculis clarum est. Eò Principes ipsi sæpe, vulgus verò quotannis certo confluit tempore, monasteriique liberalitate alitur. Fertur inibi olla cuprea esse, in qua certi cibi, & ut plurimum olus coquitur, ac, si pauci, sive multi eò venerint, semper tamen cibi tantum remanere, quo ejus monasterii familia saturetur: ad eò, ut nil unquam defiat, aut superfluat. Coemeteria pro sepeliendis corporibus nullis ceremoniis dedicant, ajunt enim, corporibus unctis terram ipsam, & non corpora terram consecrari. Sepulturæ eorum non in templis, sed opulentiorum quidem in septis, ac exterioribus templorum vestibulis fiunt: agrestium verò in agris & silvis, ubi tumulos aggestis lapidibus muniunt, signumque crucis superimponunt. Quibus post Ecclesiæ Romanæ ritibus quadraginta diebus parentatur. Non subticenda hinc ridicula gentis consuetudo: defunctorum cadavera loculis condunt, ac manui cadaveris codicillos induunt, quorum summa est: defunctum fuisse Russum, Russorum fidem amplexum, ac in eadem decesisse. Hæ literæ D. Petro mittuntur, quibus mox (ut ajunt) admittitur, & ut sincerioris fidei sectatori beatior quoque sedes, quam Latinis Christianis conceditur: alios enim semichristianos, se verò sinceros & genuinos esse contendunt.

*De ratione contrahendi matrimonii, ac de divortiiis.*

**M**atrimonii inter sese contrahendi ratio ejusmodi observatur. Turpe & quasi inhonestum habetur adolescenti, ambire puellam, quò sibi in matrimonium locetur. Patris est juvenem alloqui, ut ducat filiam suam. His autem plerunque verbis adolescentem compellat: cum mihi sit filia, vellem equidem te mihi generum. Ad quæ juvenis: si me, inquit, generum expetis, ac tibi ita videtur, conveniam parentes meos, & de hac re ad eos referam. Dein si parentes ac propinqui assensu fuerint, conveniunt, ac de his, quæ pater filia dotis nomine dare velit, tractant. Mox dote constitutâ nuptiis dies præscribitur. Interea Sponsus à Sponsæ ædibus usque adeò arcetur, ut si fortè postulârit saltem eam videre, parentes Sponsæ respondeant: cognosce ex aliis, qualis sit, qui eam nôrunt. Certè nisi sponsalia prius maximis pœnis firmata fuerint, ita, ut sponsus non possit, etiam si vellet, sine gravi pœna eam repudiare: aliàs non datur illi accessus ad Sponsam. Sunt autem dotalia dona plerunque equi, vestis, framea, pecora, servi, & similia. Invitati ad nuptias pecuniam rarò offerunt: munera tamen seu donaria sponsæ

Matrimonii ratio

sponsæ mittunt, quæ singula sponsus diligenter notata reponit. Finitis nuptiis, deprompta rursus ordine conspicit; atque ex iis, si quæ allubescant, & sibi usui futura videntur, ea mittit ad forum, jubetque singula ab his, qui rebus precia imponunt, æstimari: reliqua omnia ac singula singulis remittit cum gratiarum actione. Ea, quæ servavit in anni spacio, juxta æstimationem pecuniâ aut alia re ejusdem valoris compensat. Tota enim hæc munerum mittendorum ratio ad juvandum rem familiarem novorum conjugum introducta est. Porro si aliquis donum suum pluris fecerit, tum sponsus ad juratos æstimatores continuò recurrit, illumque horum æstimationi standum esse cogit. Quòd si sponsus post annum elapsum non satisfecerit, aut munus acceptum non restituerit, tum in duplum tenetur. Denique, si alicujus donum juratis æstimandum dare neglexerit, ex voluntate atque arbitrio ejus, qui dedit, refundere obstringitur. Atque hunc morem vulgus ipsum in omni liberalitate seu donationis genere usurpare solevit.

Ritus sponsales in templo publicè hi obiri solent. Mensa in primis in medio templi adornatur, ingredi-  
entibusque templum sacerdos præcedens certas recitat orationes, dein pro Patriarcha, Metropolita, Episcopis, ac toto clero, proque Principe suo, & omni ordine

Ritus in  
templo  
sponsa-  
les.

ordine tam equestri, quàm plebejo, qui ritus suæ fidei sequuntur, sigillatim sacerdos cum diacono clarâ voce precantur. His transactis, sponsus & sponsa mensam præparatam accedunt, in linteoque secundum consuetudinem pedibus substrato uterque stat. Postea sacerdos ex præscripto, an alicui olim non sponderint, interrogat, stolamque manus utriusque annulos cõmutans colligat. Deinde coronas ligneas, vel ex tilia libro pictas, ad id muneris in ecclesia reservatas, capiti utriusque imponit, dicens: *posuisti Domine coronam super caput ejus de lapide precioso, &c* Evangeliumque de nuptiis Canæ Galilææ celebratis recitat. Dehinc panem & cerevisiam consecratam desponsatis ad prægustandum porrigit, postea stolam (quâ sacerdotes collo appensâ utuntur) sponsus & sponsa ab una, & sacerdos ab altera parte tenent, sacerdotemque præeuntem sequuntur, hæc verba dicentem: *circuite populi Sion, ac date gloriam nomini Dei altissimi*, terque mensam circumeuntes loca sua occupant, & sacerdos psalmum quinquagesimum primum recitat. Quo absoluto, è templo egrediuntur. Cæterum matrimonium ita contrahitur, ut quartum consanguinitatis aut affinitatis gradum non attingant. Hæreticum putant, germanos fratres germanas ducere sorores. Nemo etiam affinis sui sororem in uxorem ducere audet. Severissimè

TRIVIA

O, 2. m. d. n. d. s. i. b. o. b. s. e. r. v. a. t. u. r.



observant, ne hi matrimonio implicentur, inter quos spiritualis baptismatis cognatio intercedit. Si quis alteram ducit uxorem, fitq; bigamus, conceditur id quidem, sed vix legitimum matrimonium esse putatur. Tertiam uxorem ducere sine gravi causa non licet. Quartam verò nec permittunt cuiquam, nec etiam Christianum esse judicant.

Divortia

Divortium admittunt, dantque libellum repudii: id tamen maximè celant, quod contra religionem, ac statuta esse nòrunt. Pro adulterio non censent, si uxoratus cum soluta libidinatus fuerit, uxore alterius exceptà. Tepidus ut plurimum conjugatorum amor, præsertim principum ac nobilium virorum, eò quòd puellas nunquam antè visas ducunt, ac servitiis Principis occupati, eas deserunt, alienà interim turpique libidine sese polluentes. Divortia inter se frequenter vulgant, Episcopis indulgentibus, literasque repudii communicantibus. Olim etiam agrestes, quibus ad Episcopos propter longam itineris distantiam aditus difficiliserat, divortium (more gentili antiquitus observato) sic peragebant: cum inter virum atq; uxorem lites exortæ essent, extra pagum in trivium ambo prodire solebant, mantili accepto, quod inter se manibus utrinque tenendo per medium discindebant, hocq; inter se divisò, matrimonium etiam divisum esse arbitrabantur.

CAPVT

## CAPUT XVI.

*De mulierum Moscoviticarum conditione.*

Mulierum conditio misera est, non enim eo sunt honore apud eos, quo apud cæteras gentes, propè enim ancillarum loco habentur. <sup>Mulierum conditio.</sup> Nulla honesta creditur, nisi domi conclusa vivat, adeoque custodiatur, ut nusquam prodeat. Parùm pudicam existimant, si ab alienis exterisve conspiciatur. Domi autem occlusæ nent, aut pensæ trahunt: nil prorsus juris, aut negotii in ædibus habent, omnes enim labores domestici servorum operâ fiunt. Non verberatæ à maritis conqueruntur, nullam se apud maritos habere gratiam, verbera enim signum amoris putant. Quicquid mulierum manibus suffocatur, sive gallina, sive aliud aliq; quod animalium, abhorrent tanquam impurum. Pauperiorum uxores domesticos labores obeunt. Cæterùm quum viris & servis absentibus gallinas jugulare volunt, stant pro foribus, tenentes gallinam & cultrum, prætereuntesq; viros, ut ipsi eas mactent, plurimum rogant. In templa rarissimè, rariùs etiam ad amicorum colloquia, nisi effætæ jam sint, omnique suspitione careant, admittuntur. Certis tamen ac festis diebus animi gratiâ concedunt uxoribus ac filiabus, ut in pratis convenient amænis, ibique cuidam rotæ instar

O 3

instar Fortunæ insidentes, alternatim sursum ac deorsum moventur: aut alioqui funem in medii circuli modum duobus stipitibus appendunt, cui insidentes ac suspensæ, hinc inde impullæ feruntur, moventurq;: aut denique quibusdam ac certis cantilenis, manibus, pedibusque plaudentes, capitibusque sæpenumero moventes se oblectant, vel manibus invicem se tenentes, ac simili modo canentes in gyrum ducunt. Hæc autem consuetudo præcipuè circa festum Petri & Pauli Apostolorum aliquot hebdomadis ab omnibus Moscis atque Russis promiscuè frequentatur.

## C A P U T X V I I.

*De moneta & numerandi ratione.*

**M**onetam argenteam Mosci quadruplicem habent: Moscoviticam, Novogardensem, Tuerensem, ac Plefcoviensem. Moscoviticus numus oblongâ & ovali quodammodo formâ (Denga dictus) diversas habet imagines. Antiqua in una rosæ, posterior hominis equo insidentis, draconemq; hastâ ferientis imaginem: in altera parte utraque scripturam habet. Horum autem hoc tempore septuaginta representant aureum Ungaricum unum. Tuerensis utriusque scripturam habet, & valore æquiparatur Moscovitico. Novogardensis in una parte Principis in solio sedentis

dentis, hominisque ex adverso sese inclinantis imaginem, in altera scripturam habet, atque Moscoviticum valore in duplo superat. Plefcoviensis caput bovis in una parte coronatum, in altera verò scripturam habet. Est præterea cuprea sive ærea moneta, quæ tantum usus sibus pauperum destinatur, & Pula vulgò vocatur: horum quadraginta Dengam Moscoviticam constituunt. Aureos non habent, nec eudunt ipsi; sed Ungaricis ferè, interdum etiam Rhenanis utuntur, preciumque eorum sæpè mutant, præsertim cum alienigena auro aliquid sit empturus, tum continuo ejus precium minuunt. Si verò aliquò profecturus auro indigeat, ejus tum rursus precium augent. Constat autem omnis moneta Moscorum ex puro argento, quamvis ea quoque nunc adulteretur: omnes ferè aurifabri Moscoviæ numos eudunt: & si quis masas argenteas puras numosque cupit, nummi & argentum appenduntur, atque æquâ lance librantur: mercedem laboris exiguam aurifabri (parvo alioqui operâ suam æstimantes) reportant. Porrò universa Moscovia nullum habet argentum, nisi importatū: nec Princeps usque adeò efferre vetat, sed cavet verius, atque ita permutacionem rerum facere, & alia, ut pelles, quibus abundat, aut quid aliud ejusmodi pro aliis rebus dare recipereque suos jubet, quò argentum & aurum in ditioe sua retineat. Vix a. à sesquicentum

tum annis monetâ utuntur argenteâ, præsertim apud illos signatâ. Initiò cum argentum in Moscoviam inferretur, fundebantur portiunculæ oblongæ argenteæ sine imagine & scriptura, pondere unius rubli, quarum nulla nunc apparet. Cudebatur etiam moneta in Galicziensi Principatu, ea autem, quum æqvabili careret valore, in usum esse desiit. Porro ante monetam proboscide & auriculis aspreolorum, aliorumq; animalium, quorum pelles ad nos efferuntur, utebantur, iisque vitæ necessaria ceu pecuniâ emebant.

Numerandi ratio.

Numerandi ratio apud eos talis est, ut res quas cunque per sorock aut devvenosto, hoc est, aut quadragesimo, aut nonagesimo numero numerent, dividantque. Numerantes itaq; subinde repetunt, multiplicantq; bis sorock, ter sorock, quater sorock: aut bis, ter, quater devvenosto. Mille gentili lingvâ Tis sucze, item decem millia una dictione Tma: viginti millia dvve tma, triginta millia, tri tma exprimunt.

#### C A P U T X I I X.

##### *De mercibus, vectigali, & usura.*

Merces.

**M**erces exoticas si quis in Moscoviam attulerit, eas continuo apud telonii præfectos profiteri, ac indicare cogitur, quas hi statâ horâ conspiciunt, æstimantque, æstimatas verò nemo nec vendere, nec emere

mere audet, nisi prius Principi fuerint exhibitæ. Porro Princeps si quicquam emere voluerit, tum nec mercatori interim rebus suis precium statuere, nec cuiquam licitari fas est. Quo fit, ut mercatores interdum diutius suo cum damno detineantur. Neque enim cuiusvis mercatori præter Litvanos, Polonos, aut illorum imperio subjectos Moscoviam venire licet. Nam Svecis, Livonibus, & Germanis ex maritimis civitatibus Novogardiæ duntaxat: Turcis verò ac Tartaris Chlo pigrodi, quò nundinarum tempore diversi ex remotis locis homines confluunt, mercaturam exercendi facultas datur. Quando verò legati & oratores in Moscoviam proficiscuntur, tum omnes undecunq; mercatores in illorum fidem ac protectionem suscepti, Moscoviam & liberè, & sine portoriis ire redire possunt. Major mercium pars sunt massæ argenteæ, panni omnis generis ac coloris, sericum, panni sericei, & auro argentoque intertexti, gemma, uniones, aurum filatum, insuper piper, crocus, zinziber, & cætera: interdum viles etiam quasdam res suo tempore illuc portant, ex quibus non parùm lucri referunt. Sæpe etiam accidit, ut rei alicujus desiderio omnes teneantur: quam qui primus attulerit, plus justo lucratur. Deinde cum plures mercatores earundem rerum magnam advexerint copiam, tanta nonnunquam vilitas earum

P

con-

consequitur, ut is, qui res suas primùm magno vendiderat, easdem rursus vilescente precio redimat, magnoque suo commodo in patriam reducat. Merces verò, quæ inde asportantur, sunt pelles variorum animalium, & cera. In Lithuaniam & Turciam corium, pelles, & albi longi dentes animalium, quæ ipsi Mors vocant, in mari Septentrionali degentium, ex quibus manubria pugionum Turcæ conficere solent: in Tartariam verò sellæ eqvorum, frena, vestes, corium: arma autem & ferrum non nisi furtim, aut ex singulari præfectorum permisso exportantur ad alia loca, intra Orientem ac Septentrionem. Panneas tamen & lineas vestes, cultellos, secures, acus, specula, marsupia, aut quid aliud ejusmodi, quocunque libuerit, vehunt. Fallacissimè ac dolosissimè mercantur, quin, dum precium afferunt, ac rem minoris dimidio precio in fraudè venditoris licentur: mercatores nonnunquam non uno tantùm, aut altero mense suspensos ac incertos detinent, sed ad extremâ desperationem quosdam perducunt. Cæterùm, cui mores illorû perspecti sunt, ac dolosis verbis, quibus rei precium imminuunt, tempusq; extrahunt, non movetur, aut dissimulat: is res suas sine aliquo dispendio vendit. Extraneis autem singulas res carius vendunt, ita ut, quæ uno aureo floreno seu ducato Ungarico alioqui emunt, ea quinque, octo, decem,

decem, viginti interdû indicent: tamen ipsi vicissim aliquando rem rarâ ab exteris decem, aut quindecim florenis mercentur, quæ vix unum aut alterum valet florenum. Porrò contrahendis rebus, si quid fortè dixeris, aut imprudentiùs promiseris, eorû diligenter meminere, præstandaq; urgent: ipsi verò, si quid vicissim promiserint, minus implent. Quamprimùm item jurare incipiunt, aut obtestari, ilico dolû subesse scias, animo enim fallendi ac decipiendi jurant. Pelliû magna est diversitas. Zobellinarum enim nigredo, longitudo, ac densitas pilorum maturitatè arguunt: adhæc, si congruo tempore, quod in pellibus aliis pariter observatur, capiantur, precium augent. Martium sive marturinæ pelles ex diversis partibus, ex Severa bonæ, ex Svecia meliores advehuntur. Hermelinorum pelles ex pluribus pariter locis inversæ adferuntur, quibus tamen emptoribus plerisq; imponitur. Habent signa quædam circa caput & caudâ, ex quibus cognoscuntur, an convenienti tempore sunt captæ. Nam simulac ubi hoc animal captum fuerit, excoriatur, pellisque invertitur, ne attritis pilis deterior fiat. Si quod non suo tempore captum fuerit, pellisque ideò bono ac nativo colore careat, tum ex capite & cauda certos pilos tanquam signa, ne incongruo tempore captum agnoscat, evellunt, atque ita emptores decipiunt

Pelles  
diversæ.

piunt. Vulpinae, & praesertim nigrae, ex quibus plerumque capitis tegumenta conficere solent, plurimi fiunt. Aspreolorum pelliculae ex diversis quoque partibus afferuntur. Lynceum pelles parvi, luporum vero ab eo tempore, quo in Germania in precio esse coeperunt, plurimi fiunt, eorumque terga longe in minore, quam alibi, sunt pretio. Castorum pelles apud illos pretiosae sunt, omnesque juxta ex his, quod nigro eoque naturali sint colore, vestium fimbrias habent. Pellibus domesticorum catorum feminae vestiuntur. Est quoddam animal, quod Pessecz appellant: hujus pelle, quod plurimum caloris corpori adfert, in itineribus utuntur.

*Vectigal* Vectigal seu portorium omnium mercium, quae vel importantur, vel exportantur, in fiscum refertur. De qualibet re, aestimatione unius rubli, numerantur denariae septem, extra ceram, de qua non solum juxta aestimationem, sed pondus quoque, vectigal exigitur. De quolibet autem pondere quatuor denariae solvuntur.

*Usura.* Usura iis communis est, quam licet infamem, imò & grande peccatum esse praeseferant, ab ea tamen nemo ferè abstinet. Est autem quodammodo intolerabilis, quum nimirum de singulis quinque unus, de centum viginti pendantur. Ecclesiae mitius videntur agere, quae decem è centum recipiant.

CAPUT

## CAPUT XIX.

*De Reipublica forma.*

FORMA Reipublicae apud Moscos merè est tyrannis, quia Princeps absolutum in suos imperium exercet, ac sine ulla justa causa vitae necisque potestatem sibi in eos usurpat. Quà ratione, quò ad modum domini nandi, reliquos universi orbis monarchas superat. <sup>Forma Reipub. Moscov.</sup> Autoritatem enim suam, vel potius tyrannidem tam in ecclesiasticum quam civilem statum extendit, liberèque <sup>Moscov. via Principis tyrannis.</sup> ac ex voluntate sua de omnium & vita & bonis constituit. Consiliariorum, quos habet, nullus tantae est auctoritatis, qui dissentire, aut in re aliqua, etiam iniquissimam, ei resistere ausit. Omnes fatentur palam, voluntatem Principis voluntatem Dei esse, ac quicquid Princeps egerit, ex Dei voluntate agere: ob id etiam Dei clavigerum, ac cubicularium nuncupant, executores denique divinae voluntatis credunt. Unde Princeps ipse, si quando pro captivo, aut re aliqua gravi preces interponuntur, respondere consuevit: cum Deus jusserit, liberabitur. Pari ratione si quispiam de re aliqua incertam ac dubiam quaerit, respondere communiter solent: Deus scit, & magnus Dux. Incertum, an tanta gentis immanitas tyrannum Principem exigat: an Principis tyrannide gens ipsa tam immanis, tamque   
P 3 crude-

crudelis efficiatur. Fratribus, affinibus, cognatisque suis nec arces ad legitimè possidendum permittit, nec etiam confidit, solummodò aliquos ad arbitrium suum castris ac possessionibus certis præficit, ac tandè illis qualibet levi de causâ infensus, omnia, ut sua, adimit. Ex plebeis equites, Palatinos, atque Consiliarios plerunque suo arbitratu, nullo repugnante, creat: Ex consiliariis rursus five equitibus plebejos, bonis illis ademptis omnibus & publicatis, reddit. Eo-  
dem modo Metropolitans, Episcopos, Abbates, Prioresque monasteriorum suo iudicio legit, ac deponit, omnes juxta servitute premit onerosâ, adeò, ut quem-  
cunque penès se in aula esse, aut in militiam ire, aut legationem aliquam agere jusserit, præstare id sumptibus cogatur suis, exceptis adolescentulis, tenuioris fortunæ nobilium filiis, quos paupertate oppressos quotannis assumere, eosque inæquali stipendio proposito alere consuevit. Porro quibus in annum sex numerantur aurei, iis tertioquoq; anno stipendium exolvitur: quibus autem in singulos annos dantur duodecim, ii tenentur ad quodvis exequendum munus suis & sumptibus & equis aliquot esse parati, ac expediti. Eminentioribus, qui legationem, aliaque graviora ob-  
eunt officia, aut præfecturæ, aut villæ, aut prædia habitâ cujusque & dignitatis & laboris ratione attribuntur.

untur. De quibus tamen singulis certos census annuos Principi pensitant: multa duntaxat, quam à pauperibus aliquid fortè delinquentibus extorquent, & quædam alia illis cedunt. Hujusmodi autem possessiones utendas fruendas plerunque ad sesquiannum concedit. Si quem tamen singulari prosequitur gratiâ, menses addit aliquot: sed elapsò eo tempore cesfat omnis gratia, totoque sexennio gratis illi deinceps servendum est.

## CAPUT XX.

*De titulo Principis Moscoviæ.*

Appellatur autem Princeps vernaculâ Czar, quod Regem Russis significat. Communi verò Slavonicâ linguâ apud Polonos, Bohemos, Moravos, & alios omnes, sumtâ quadam consonantiâ ab ultima, eaque gravi syllabâ Czar Cæsar seu Imperator intelligitur. Unde omnes Russici idiomatis ignari, Bohemi, Poloni, atque reliqui Slavi alio nomine Regem nuncupant, nempe Krol, Kral, Kiral, & Korumol: Czar verò solummodò Cæsarem seu Imperatorem dici existimant. Unde Russi interpretes audientes, ab exteris hoc nomine Imperatorem significari, coeperunt & ipsi Principem suum Imperatorem Russiæ appellare, nomen Czar dignius esse, quam Regis (licet idem sonent) putantes. Cæ-  
terum

terum in omnibus eorum historiis, cum sacris tum profanis, ubiq; Regis nomine Czar, Imperatoris vero Kesar reperitur. Sic quoque Tauricæ Rex Tartarorum Præcopensium Czar, hoc est, Rex nuncupatur, omnesque Tartarorum Reges hoc efferuntur nomine. Sed plures hujus vocis ignorantia decepti, omnes Reges hoc nomine Czar vocatos Cæsares esse arbitrantur. Nonnulli etiã Moscorum Principem nominant album Regem, vel quòd Russia alba ei subiecta sit, vel quòd incolæ vestibus & pileis plerunque albis utantur. Porrò Regis titulo utitur ad Romanum Pontificem, Imperatorem, Sveciæ, ac Daniæ Reges, Turcicum Imperatorem, & quondam ad Prusiæ Livoniæq; Magistros. Ipse verò à nemine horum, nisi fortè à Livonibus Rex salutatus. Ad Poloniæ autem Reges magni tantum Ducis nomine uti consuevit, titulo Regis omisso, neuter enim horum literas alterius novo auctas titulo acceptare dignatur. JOANNES tamen Basilides & ad Poloniæ Regem STEPHANVM clariss, memoriæ Regis titulum usurpavit, verum ab illo nunquam, nisi magni Ducis titulo honoratus est.

## CAPUT XXI.

*De inauguratione Principis Moscovia.*

Inauguratio

**I**Nauguratur Moscorum Princeps in totius Moscoviæ

viæ metropoli à metropolita, cui assistunt Archiepiscopi, Episcopi, Abbates, Priores, totusq; Ecclesiasticorum conventus, solemnibus ornamentis induti, idque in divæ Virginis æde. Ubi canitur à metropolita totoq; clero oratio D. Virginis, & S. Petri confessoris, quem illi miraculosum vocant. Dein Metropolita Deum precatur pro novo Duce, ut eum protegat, longitudinem dierum illi det, cor ejus in timore dirigat, à mala fide avertat, ut judicet populum in ecclesia, justitiam afflictis præstet, filios pauperum conservet, ac tandem regnum consequatur cœleste. His finitis, imperat duobus Abbatibus metropolita, ut sibi barma, quod est ornamentum ducale, porrigant, quod unà cum pileo duicali tegumento quodam serico obducitur, illoque novi Ducis caput tegit, ac post precatur, ut Deus eum sub protectione conservet, in regno contineat, quò semper bona ac decentia agat, clarescere faciat justitiam in diebus suis, amplificationeque dominii sui, & ut in tranquillitate ejus quietè sine discordia vivant, in omni bonitate & puritate. Tandem pileum ducalem, ab Abbatibus sibi porrectum, crucis signo adhibito magni Ducis capiti imponit, cui dein Archiepiscopus & Episcopi accedentes manu benedicunt. Interea Diaconus canit litaneiam, quâ peractâ, iterum metropolita addit orationem ad divam virginem.

Q

nem.

nem. Post canunt sacerdotes, multos Magno Duci annos precando. Secundum illa Metropolita, Archiepiscopi, Episcopi, totusque clerus ordine magnum Ducem accedunt, eumque debito consalutat honore. Exin Metropolita ad magnum Ducem se convertens, sui eum admonet officii, ut timeat Deum, amet justitiam & justum iudicium, curam recte fidelium habeat. Deinde surgitur, Metropolitaque orans magno Duci benedicit. Tandem liturgia absolutam, magnus Dux pileo ducali, ac barba ornatus, ex aede magna nobilium catervam ad divi Michaelis Archangeli pergit, ubi in vestibulo supra pontem a quodam principe viro denigis aureis ter aspergitur, templumque ingresso sacerdotes litaneiam orantes pro more ei benedicunt, ac juxta sepulcra atque monumenta crucis signo eum signant. Hinc rursus, templo egrediens, in porta aureorum numorum projectione honoratur. Tandem rectam in templum Annunciationis beatam Virginis progreditur, ubi sacerdotes pariter ei benedicunt, ac numi missiles, ut antea, in magni Ducis honorem sparguntur.

## C A P U T XXII.

*De legibus Moscorum.*Leges  
Moscor.

**L**egum, ut fit sub tyrannide, magna est paucitas, si quidem Princeps tyranni more cum eis agit, ac legi vo-

gi voluntatem suam substituit, illis hac in parte assensientibus. Sic enim censent, a Metropolitae edocti & persuasi, se cum Deo per Principem tanquam Dei vicarium atque internuncium conjungi: ideoque ejus voluntatem divinae aequiparant, & sive is voluerit, aut praeceperit bona sive mala, turpia sive honesta, qualiacunque fuerint illa, nefas recusare putant, dictitantes, voluntatem Principis ac Dei unam eandemque esse, ac talem divinitus Principem obtingere, qualem meriti sunt, benignum vel asperum. Haec sane omnia libertati auream, quam aliae gentes cultiores gaudent, plurimum derogant, ac tyrannidem ingenuorum hominum pessundatricem stabiliunt atque confirmant: quando ab unius nutu atque arbitrio subditorum salus, vita, opes, fortunae, & omnia etiam charissima dependent. Hac una re potentia opesque Moscorum Principis creverunt unam cum crudelitate, ac intolerabili dominandi asperitate. Legum paucitatem ac tyranni absolutum dominium non parum etiam adjuvat duplex religionis eorum opinio. Primum enim omnes alios, qui ab illis in religione dissentiant, etiam eos, qui Romanam sequuntur religionem, barbarorum loco habent, ac eorum conversationem fugiunt: eamque ob causam Princeps, qui subditis hac in opinione praerit, quoties

Q 2

exter



externorum Principum legatos in colloquium admittit, pelvim aquâ impletam in promptu habet, quâ dimissis legatis manus ilico quasi eorum contagio pollutas abluat. Accedit ad hoc, quòd ex suæ religionis institutis statuunt, eos, qui Principis voluntati parendo vita privantur, protinus beatos fieri, eorumque animas à corporis mole separatas in loca cœlestia concedere, non minùs ac martyrum vel discipulorum Christi, qui in vera erga ipsum fide constanter ad extremum usque spiritum perseverarunt.

## CAPUT XXIII.

*De oratoribus domesticis aliò mittendis, atque exteris accipiendis.*

Oratores  
Mosci ad  
exteros  
Principes.

**O**Ratores sive legatos ad Principes externos Moscorum Princeps missurus, magno cum comitatu mittere in more habet, ac præsertim ad Poloniæ Reges, cum quibus controversia ipsi sæpè est ratione finium, imò & nonnunquam bella. Aulicis omnibus ac Nobilibus, quos legatis adjungit, vestium solennium, armorum, & id genus ornamentorum ex thesauro suo ad usurpandum prætextu usuræ solvendæ copiam facit, administratorque horum substituitur, qui omnia ornamenta unicuique secundum ordinem, quoties opus fuerit, distribuit, rursusque ab eisdem recipit

cipit, ac reservat. Ex legatione tandem reversi, certam pro usurpatione vestium & cæterorum ornamentorum pecuniam ex pacto Principi numerant, vestesque restitunt. Quòd si quid à quopiam commaculatum fuerit, illud verberibus castigatus solvere tenetur. Quicquid verò Oratores ad Principes extraneos missi preciosarum rerum reportant, id Princeps in suum fiscum reponit, aliis gratiæ spem ipsis faciens.

Exteriorum vicissim Principum oratores hoc modo à Moscis excipiuntur, atque tractantur. Orator in Moscoviam proficiscens, ejusque limitibus appropinquans, nuncium ad proximam civitatem mittit, qui ejus civitatis Præfecto indicet, se Oratorem talis Principis limites Moscoviæ ingressurum. Mox præfectus non solum, à quo Principe mittatur, sed cujus etiam conditionis autoritatisque sit ipse Orator, item quotus veniat, curiosè inquirit: quibus cognitis, aliquem eum comitatu, habitam tam Principis, à quo mittatur, dignitate, quàm Oratoris ratione, ad excipiendum & deducendum oratores mittit. Interim etiam Magno Duci, unde, & à quo veniat, continuò significat. Missus ex itinere pariter aliquem è suis præmittit, qui Oratori significet, magnum hominem advenire, qui eum certo loco, locum designans, excepturus sit. Porro magni hominis titulo propterea utuntur, quòd hoc ho-

Exteriorum  
Principum  
Oratores

noris indicio excellentiores solummodò dignantur. Neque enim quenquam strenuum, aut nobilem, aut illustrem, magnificumque vocant, aut alio denique id genus titulo ornant. Ceterùm in congressu ablegatus ille adeò non cedit de loco, ut nivem hiberno tempore, ubi subsistat, verrere seu terere ita jubeat, quò Orator præterire queat, ipse interim tritâ viâ se non movens. Præterea etiam hoc observant: mittunt nuncium ad Oratorem, qui eum admoneat, ut ex equo seu vehiculo descendat: si verò aliquis vel lassitudinem, vel ægritudinem causatus fuerit, id responsi dant, quòd nec proferre, nec audire verba Domini, nisi stando, liceat: imò nuncius diligenter cavet, ne prior ex equo aut rheda defiliat, ne videatur hac re Domino suo derogare: quin ubi Oratorem ex equo descendere animadvertit, tum demum & ipse defilit. Sub hæc accedens aperto capite inquit: Magni Domini, Dei gratiâ, Regis ac Domini totius Rusiæ, ac magni Ducis, &c. recitando potiores Principatus, locum tenens ac præfectus N. provinciæ, curat tibi significari, postquam intellexit, te oratorem tanti Domini ad magnum Dominum nostrum venire, misit nos obviam, te ut ad se deduceremus (repetendo titulum Principis ac locum tenentis). Præterea nobis demandatum est, ut inquireremus, quàm sanè equitaveris, (is enim modus

Ceremoniæ in excipien. oratorib.

us est in excipièdo). Dein Oratori dextram nuncius porrigit, neque rursus honorem prior exhibet, nisi videat, Oratorem caput denudare suum. Sub hæc humanitatis fortè officio adductus, ultro oratorem compellat, quærens, quàm sanus equitasset. Postremò dat signum manu, innuens, ascendendum & pergendum esse. Conscensis tandem equis aut vehiculis, subsistit loco unà cum suis, neque viâ cedit Oratori, sed postremus eminus sequitur, curatque diligenter, ne quisquam retrocedat, aut subsequatur. Progrediente Oratore, mox sciscitantur primùm nomen Oratoris, ac singulorum servitorum: nomina item parentum, & ex qua quisque provincia oriundus sit, qualem quisque calleat linguam, & cujus sit conditionis, an Principis alicujus servitor, an Oratoris consanguineus, aut affinis sit, & anteprius quoque in eorum provincia fuerit. Quæ singula ad magnum Ducem per literas continuò referunt. Porro cum paululùm progressus est Orator, occurrit alius quispiam, mandatum se à locum tenente habere prætendens, ut ipsi de omnibus necessariis provideat.

Nec illud prætereundû, quòd, quotiescunq; Oratores in aulam deducèdi sunt, tum vulgus Nobilium, stipendiarii, ac milites ex vicinis regionibus mandatu

Prin

Principis convocentur, urbis tabernæ atque officinæ sub id tempus occludantur, vendentes ac ementes foro pellantur, cives denique undiquaque eò confluant. Hoc autem ea propter fit, ut ex tam ingenti hominum multitudine Principis apud peregrinos potentia: ex crebris verò externorum Principum legationibus majestas conspiciatur.

## CAPUT XXIV.

*De Senatu, præfectis, satellitibus,  
& veredariis.*

**S**enatum sive consiliarios Princeps, ut à tyrannide alienior videatur, in speciem sibi adjungit, quos tamen rariùs, aut etiam nunquam in consilium adhibet, pro libidine omnia agens. Eos ex antiquissimis Ducum à Moscoviæ tyrannis oppressorum familiis constituit, aut quos illi pro gratia ac meritis cujusque ornare, & dignitate augere libitum est. Præfectos plerunque tres designat. Unum, qui munitionum sibi commendatarum curam gerat: & huic extra munitionem egredi quacunq; necessitate exigente, ne dum extra eam pernoctare integrum non est. Reliquos duos huic primò custodes adjungit, & ex his alteri, si necessitas urgeat, ac Principis expressum mandatum accesserit, excursiones facere, munitionesque excedere con-

re cõceditur. Hosce præfectos vernaculâ VVoievodas, quasi belli duces, appellant, idque ad Polonicorum Palatinorum exemplum, licet non æquè perpetua ibi sit hæc dignitas, ac apud Polonos, & ea unici castri, ac inter plures plerunque distributa gubernatione terminetur. Prætoris seu judicis à Principe constituti personam Ocolnik sustinet: aliàs supremus consiliarius, Ocolnik. qui semper circa Principem est, eo nomine salutatur. Nedelsnick est commune quoddam eorum officium, qui homines in jus vocant, delinquentes capiunt, carceribusque coercent. Atq; hi Nobilium numero continentur. Porrò Princeps cum Nobilium alicui munus sive officium aliquod mandat, baculum illi in manum tradit: quo significatur, ut ei in omnibus, veluti Principi, obtemperetur. Quum verò officio deponitur, tum baculum illum in manus Principis, vel ejus vices gerentis reddit. Stipatores seu satellites Princeps ad tutelam corporis sui, perinde ut Turca Janiczaros, aliquot millenos alit, ex quibus major pars sclopetariorum cum bombardis longioribus, reliqui cum frameis, arcubus, lanceis, ac loricis armati incidunt. His JOANNES Basilides primus pro explenda tyrannide sua tanto numero uti ccepit. Veredarii diversis in locis justo cum equorum numero disponuntur: ut cum cursor regius aliquò missus fuerit, equum

R nullà

nullâ morâ interpositâ in promptu habeat. Est autem cursori liberum, ut, quemcunque voluerit, eqvum eligat. Solet veredariorum, seu, ut vulgò vocant, postarum præfectus, qui illis Jamsnik dicitur, aliquando triginta, nonnunquam quadraginta, quinquaginta-ve eqvos curare adducendos. Quilibet igitur eqvum, qui commodus videtur, sumit: quibus defessis, cum ad aliud in itinere diversorium, quòd Jama appellant, pervenitur, continuò, ephippio ac freno retento, permutantur. Licet autem cuilibet ceterissimo uti equorum cursu, ac si fortè aliquis concidat, ac durare non valeat, tum ex proxima quaque domo alium rapere, aut alioqui abs quovis obviam fortè occurrente, Principis duntaxat cursore excepto, sumere impune quidem concessum est. Eqvum porò in itinere viribus exhaustum, relictumque Jamsnik requirere, alterumque ei, cui ereptus erat, restituere, preciumque ratione itineris habitâ persolvere obligatur.

## CAPUT XXV.

*De juris forma apud Moscos.*Juris for.  
112.

**J**uris forma apud Moscos ejusmodi est: si quæ lis apud illos oritur, fundorū Domini primùm judices constituuntur, hi si componere litem nequeant, superiori magistratui certamen deferunt. Accusator à magistratu

magistratu petit, ut liceat sibi adversarium in jus trahere, mox potestate factâ satellitem accersit, ac reum sistit, inque jus rapit. Hujus tibias flagris cædit licitor, donec proferat, qui legi satsidet. At reus, si ejus fidei non sit, ut vadem inveniatur, manibus collo constrictis à licitore trahitur, verberibusque eò usque afficitur, donec ad dicendam causam coram judice compareat. Reus itaque à magistratu interrogatus, (verbi gratiâ in actione æris alieni) an in illius ære sit, à quo accusetur: ille si inficias eat, tum judex, quî potes inficiari? inquit. Cui reus, jurejurando, infert. Mox à magistratu prohibetur licitor, amplius verberare, donec certiori fide de lite constet. Carent magno Reipublicæ malo, leguleiis & ptocuratoribus. Quisque sibi advocatus est, quisque causam exponit suam, atque accusantis querela, reique defensio supplicum literarum formâ Principi traduntur, justam Principis sententiam petentium. Ipse Princeps omnium litem, majorum præsertim controversiarum, cognoscit, ac cognoscitâ lite sententiam fert. Ad extremum cum utraque pars, quibus potuit argumentis, causam suam confirmavit, rogat judex accusatorem, an ulla causæ suæ argumenta adhuc supersint. Respondet, se vel pugilem suum manu strenuâ etiam in hoste comprobaturû, ac

R 2

mox

Monomachia  
actoris  
& re.

mox postulat, ut singulari certamine congredi liceat, copiâque certandi utriq; factâ, ambo ad monomachiam se accingunt: aut si alteruter, vel uterque parum strenuus, aut pugnae minus habilis sit, pugiles publicos substituunt. Habent enim pugiles, quibus solo hoc quaestu victus constat: hi armati in arenam descendunt. Tela sunt ut plurimum clava bellica, & venabulum. Fit pugna pedestris. Cujus igitur pugil in certamine superatur, is absque mora in vincula conjicitur, ubi indignis tractatur modis, donec cum adversario certamen finiat. Præter hæc, si uterq; claris sit ortus parentibus, atq; alterum privatum hostem deposcit, annuit iudex: nec tum vicariis pugilibus fas est uti. Porro luculento natus loco, hostem obscuriore ortum familiâ in duello respuit.

Si quis pauper ære alieno obstructus creditori solvendo non sit, arripit illum creditor, atque eò usque in opere faciendo exercet, vel alteri operam obærat locat, donec operando debitum persolvat. Sunt qui sponte se, uxorem, & liberos insignioribus per omnem vitam emancupant, & initio exiguam pecuniæ summam accipiunt, ac post pro reliqua vita alimenta capiunt. Adeò illis vilis est libertas. JOANNES Basilides, alioqui crudelis & injustus, nulla in re vehementius ac diligentius, quam in puniendis æris alieni de-

ni debitoribus, laboravit, omni eos beneficio indignos existimans, qui nequaquam gratâ manu alienæ fortunæ muneribus fruerentur. Nemo enim vel civis, vel peregrinus, qui emendo aut vendendo nomina fecisset, nemo vel minimus debitor fuit unquam, qui fustuarium tyranni non senserit. Ex his adventitios & parum notos homines, civesq; adeò suos, & summos & infimos, certis diebus egrediens ex templo, monstrare, ac per civitatis regiones circumducere est solitus, eò præsertim libentius, cum obsoletâ veste indutos, ac probè fustigatos conspiceret. Alieno enim æri obnoxios in Republica ferre nolebat, quos ad omnes exercendæ perfidiæ occasiones paratos esse dicebat.

In furto si quis primùm deprehensus sit, nisi forte sacrilegii aut plagii accusetur, in carcerem conjicitur, ac subinde flagellatur, neque ob primam noxam suspenditur. Atque hanc misericordiæ legem appellant. Qui secundo delinquit, illi nasus præciditur, aut stigmatè frons signatur. Tertia noxa crucem meretur. Si aliquis conditionis vilis aut vitæ suspectæ infimus letur furti, vocatur in quaestionem. Si verò furti convinci non potest, datis fidejussoribus, dimittitur ad ulteriorem inquisitionem. In prædones severissimè animadvertitur, quibus comprehensis calcanea primùm

In male-  
ficostor-  
menti  
genus.

mum frangere, dein in biduum aut triduum usque, dum intumescant, quiescere: post fracta jam ac intumefacta rursus motare jubent. De maleficiis quum quaestionem habent, reos multâ frigidâ supernè demissâ perfundunt. Nonnunquam obduratis & contumacibus, ut criminis confessio exprimat, ligneis cuneolis digitorum unguis conuelluntur. Cum brutis rem habentes ne illi quidè ultimo puniuntur supplicio.

Iustitia  
venalis.

Quamvis verò Princeps acerbè severus sit in magistratus malos, jus pervertentes, nihilominus tamen omnis iustitia & palàm ferè venalis est. Erga quos sæpius dictus ille tyrannus, si convicti fuissent, diverso supplicii genere usus est. Quosdam etenim præfectos, qui aut cives aut mercatores expilassent, virgis lacera-ri, nonnullos baculis contundi, alios sericâ veste splendidè indutos percivitatis vicos huc atq; illuc circumduci curavit, nullis quidem equis, sed carnificum tur-  
bâ currum trahente, qui scuticarum strepitu ac fragore auras verberabant. Postea cum ad regiam adducerentur, an verberibus mulctati essent, interrogabat: illis metu consternatis ac musitantibus, nunc, inquit, vestrarum poenarum nuncios audivistis: cave-te, ne ipsum legum mearum rigorem experiamini. Quod tunc fiet, cum denuò actio malè gesti mun-  
ris contra vos fuerit instituta. Nonnullis etiam, quibus  
privas

privatim poenam irrogare placebat, ferrato scipione utrumque pedem perforare solitus erat: quosdam pel-  
li ursinæ insutos in forum publicum pertrahebat, ut  
ita canum laniatu rotati miserabile cæteris spectaculo-  
rum præberent.

## CAPUT XXVI.

*De belli gerendi ratione.*

Belli gerendi ratio est eadè apud hanc, quæ apud alias  
gentes, tam enim equitatu quàm peditatu constat, <sup>Belli gerendi ratio.</sup>  
quàmvis ante BASILLVM eorū Principem tormen-  
torum ac peditatus in bello apud ipsos nullus usus fue-  
rit, ille enim primus tormenta adhibere cœpit. Campo  
& conflictui aperto non fedit, sed in munitionibus  
duntaxat spem omnem ac fiduciam locat. Hinc tyran-  
nus in oportunis locis intra lacuum ac fluminum  
circuitus turres & arces munitissimas extruxit, & qui-  
dem ab initio imperii sui semper munitionibus stu-  
duit erigendis. Quum enim Mosci viderent, se in  
prælio non posse contra hostes stare, aut certè sem-  
per succumbere, in munitiones & castella confugie-  
bant, ibidemque & hostem repellendo, & seipsos  
recondendo, pugnabant. In quem finem vario ap-  
paratu bellico comœatuque talia loca instru-  
cta habere solent, ut obsidionem diu tolerare, ac  
contra

contra hostem defendere se valeant. Adhuc igitur, cum animadvertant, se vicinis suis, maximè verò Poloniam in bello pares non esse, castella hujusmodi atque arces benè munitas retinent. Materia castellorum hujus generis, ut in siluosis regionibus solet, sunt trabes ingentes, maceriat & terrâ obrutæ, inter se compactæ, ac firmiter devinctæ, quorum castellorum summitatem cespes viridis vestit & decorat, ac circum circa propugnacula, turres frequentes, atq; fossæ, sive naturales, sive arte factæ accessum ad ea prohibent. Quæ ædificia non solum aspectu pulchra sunt atq; eximia, sed etiam ante bellum à laudatissimo Rege STEPHANO gestum pleraq; candentium globorum jactu exusta expugnataque fuere, ad defensionem tutiora commodioraque credebantur, quod tormentorum ictus faciliùs maceria sustinet, & globos explosos cedendò in se recipit, neq; tota concutitur, ut in muris è cocto lapide videre est, ubi cementum, quo lapides sunt veluti glutinati, disilit, ac magnam muri stragè secum fert. Illæ tamen arces atque propugnacula, quæ Livoniam spectant, ex lapide etiam muros habent. Præsidarios sive præsidia munitio-  
 num ex Nobilitate quotannis constituit, idque pro arbitrio, neque diuturniorem quàm annuam hanc eorum præfecturam esse vult: quibus addit ex plebe militem stipendiarium, quos præsidarios vocant. Quo

Quoties verò finitimorum injuriæ in bellum evocant, haud unquam infra nongenta millia hominum in hostem armat, ex quorum numero trecenta millia in aciem secum educens, reliqua in defensionem provinciarum, in præsidiis per apta loca disponit.

Agricolam sive colonum nullum, nullum etiam mercatorem in militiam legit. Tanta enim est populi multitudo, ut his relictis, terra alioqui populosa juventutem bello abundè suppeditet. Potest autem Moscorum Princeps exercitum longo tempore ingentem sustentare, neque enim militibus stipendia numerat, aut, si qua, perexigua: sed agros illis vilis elocat precio, quo beneficio militum operam compensat. Milites verò conscripti coram Principe singuli comparent, & numum unum, quem patrio nomine dengam vocant, Principi dant: quem reversi ex bello repetunt. Ita occisorum numos Princeps retinet, atque hinc illorum numerum cognoscit. Omnes denique & singuli tam stipendia merentes, quàm Principis gratiam expectantes, in militiam suis impensis ire coguntur, quæ non tam ingentes sunt, ut alibi. Nam quicumque sex equos, totidemque servos habet, ex iis uno tanquam bajulo, qui vitæ necessaria portet, utitur.

Victus  
in bello.

Inprimis habet milium contritum in sacco, longitudine duorum aut trium palmorum: dein suillæ carnis salis libras octo aut decem. Habet & sal in sacco, ac, si locuples sit, pipere mixtum. Præter hæc unusquisque secum fert securim, fomitem, lebetes, aut ollam cupream, ut, si aliquò fortè deveniat, ubi nil fructuum, allii, cepæ, aut carnis reperiat ferinæ, ignem accendat, ollamque aquâ repleat, in quam cochlear milii plenum sale addito injicit, ac coquit: eo cibo & herus, & servus contenti vivunt. Porro si herus nimium famelicus fuerit, totum absumit: itaque famuli aliquando, ventri bellum indicentes, ad biduum vel triduum strenuè jejunt. Adhæc si herus lautius vult epulari, tum addit parvam carnis suillæ portiunculam. Farinam etiam de avena subtiliter commolitam habere solent, cujus aliquot cochlearia pransuri in cistellam imponunt, modicoque aquæ mixtam comedunt. Sin autem fructus, aut allium, aut cepas habeant, facile aliis omnibus carere possunt. Et hic est mediocris conditionis, sive gregariorum militum vitus. Duces exercitus, & alii militiæ præfecti pauperiores aliquando ad se invitant: qui sumto prandio lauto interdum ad biduum vel triduum fortiter esuriunt.

Arma.

Arma gentis communia sunt: arcus, telum, securis, & baculus instar cæstus. Frameam nobiliores gestant.

stant. Pugiones oblongos in cultellorum modum dependentes in vaginis ad eò reconditos habent, ut vix suprema capuli pars attingi, aut necessitate urgente apprehendi possit. Lorum pariter freni longum, & in extremitate perforatum adhibent, quod digito sinistro annectunt, ut arcum prendere, extensumque tractare queant. Quamquam verò simul & eodem tempore manibus teneant frenum, arcum, frameam, telum, atque flagellum, istis tamen scitè ac sine ullo impedimento uti nòrunt. Quidam lautioris fortunæ, lorica, thorace affabre ceteris ex quibusdam squamis concinnato, & armillis muniuntur: paucissimi verò cristà instar pyramidis in summitate exornatâ insigniuntur. Sunt qui habent vestem bombycis lanâ suffartam ad ictus quoscunque sustinendos. Lancea quoque apud illos usitata est. Equi illorum parvi, castrati, soleis carentes, levisima frena, tum ephippia eum in usum accommodata, ut se in omnes partes nullo negotio vertere, arcumque intendere queant. Pedibus usque ad eò attractis equo insident, ut nullum hastæ telum paulò vehementiorem ictum sustinere valeant. Calcari paucissimis, flagellum plerisque in usu est, quod semper minimo digito dextræ inhæret, ut id, quoties usus postulat, apprehendant: rursus, si ad arma deventum fuerit, projectum è manu pendeat.



Castro-  
rum col-  
locand.  
ratio.

Castris collocandis amplissimum eligunt locum, ubi praestantiores tentoria erigunt: alii verò ex arbutis veluti arcum in terram figunt, penulisque tegunt, quò ephippia, arcus, & id genus alia recondant, seque ab imbre defendant. Equos ad pascua pellunt, quorum causa tam latè disjuncta tentoria habent, quæ nec curru, nec fossâ, nec alio quovis impedimento sepiunt: nisi fortè locus naturâ sit, aut silvis, aut paludibus, fluminibusvè munitus.

Tormentorum  
ratio.

Tormentis ita utuntur, ut ea terrâ defodiant, ante ea & os tubi justæ profunditatis fossam ducunt, in qua, qui onerandorum tormentorum curam gerunt, delitescunt: ad os tubi funis adaptatur, hoc cum implenda sunt, in fossam deprimuntur, cum verò exoneranda, rursus laxantur.

Conferendæ  
pugnæ  
ratio.

Quoties cum hoste conferendum est, incompositi in agmen hostile procurrunt, neq; aciem dirigunt; sed in insidiis collocati, hostes adoriuntur. Ac quidem primo impetu audacissimè aggrediuntur, nec diu perseverant. Quamprimùm fugam arripiunt, nullam salutem cogitant, præter eam, quam fugâ habere possunt. Ab hoste capti, nec se defendunt, nec veniam precantur. Prælium ingressuri plus spei ponunt in multitudine, quàm in robore militum, ac instructo probè exercitu: feliciusque eminus quàm cominus pugnant.

gnant: atque ideò hostem circumvenire, à tergoque invadere præcipuè student. Civitates raro vi aut impresione acriore expugnare, sed longâ magis obsidione, homines fame, aut prodicione ad deditonem adigere consueverunt. Tubicines multos habent, quidum omnes unâ tubas inflant, asperum atque incinnum quendam sonitum edunt. Habent & aliud instrumentum musicum, quod Surmam appellant. Hoc qui utuntur, continuò ac sine intermissione inflant per unam horâ ferè naribus spiritum paulatim attrahentes, buccis antea aère distentis, canunt. Vel gerunt etiam singuli parvum tympanum ad ephippia suspensum, quo, quoties agmen sisti usus est, à primo impulsio, sonoq; à primis excepto, ac cæteris deinceps tradito exiguo tēporis momento totus exercitus consistit.

Cæterum, si cujus operâ Princeps in bello strenuâ usus est, hunc prædio aut fundo aliquo donat, in alio mentum sui suorumq; , quæ tamen ad ipsum Principem post ejus mortē redeunt, si nulla virilis sexus proles contingat. Nam etsi numerosam foeminarum sobolem genuerit, hunc tamen hæreditarium agrum sibi Princeps vendicat, nisi quòd exiguâ fortè portionem ad puellas dotandas concedat: Porro qui Principis munificentiam hoc modo munerantur, gravi obligantur pecuniâ, totum milites in bello alere, cum necessitas exigit, tenetur,

Civit.  
expugn.  
ratio.

Tubici-  
nes &  
Musici.


qvot illis fundi redditus Principis censurâ abundè alere possit. Haud meliori sunt sorte, quibus agri hæreditario jure obveniunt. Si enim moriuntur, nec prolem relinquunt masculam, demortui prædia fisco Principis protinus cedunt. Super hæc, si opimus aliquis bello inhabilis, aut pugnae insuetus ab aulicis ad Principem deferatur, qui rei militari non sat idoneus amplas habeat facultates, quibus multi clariori nobiliorique creti sanguine viri bello apti sustentari possint, mox accersitur infelix, & opibus, quas tanto cum sudore, totque laboribus per omnem vitam acquisivit, tantillo temporis momento exiit: præterquam quod particulam aliquam à Principe recipit, ad se, uxorem, liberos, ac familiam conservandam. Hæc autem tam alacriter subditi præstant, ut aliena restituisse, non sua alieno dedisse, credantur. Sic bonis pro meritis singulorum aulicos donat Princeps. In bello etiam, quò quis sæpius in expeditionem mittitur, eò propensio-  
siorem in se Principis favorem opinatur, etiam si tantos sumptus, totque pericula sustinere cogatur.

FINIS  
NON PUGNA  
CORONAT.

## LECTOREM ÆQVUM.

**H**Abes, LECTOR benevole, MOSCOVIAM, seu de origine, linguâ, situ, fertilitate, moribus, consuetudine, religione, ritibus, ordinibus, atque magistratibus: Reipublicæ item formâ, inauguratione, oratoribus, legibus, jure, ac militia MOSCORVM: in quibus, ut te non celem, secutus sum rerum Moscoviticarum scriptores notæ illustris; SIGISMVNDVM HERBERSTEINIUM Baronem, REINHOLDVM HEIDENSTEINIUM, Navigationem ANGLORVM ad Moscos, ex nobilis viri MARQVARDI FREHERI Consiliarii Electoralis Palatini bibliotheca, PAULI ODERBORNII, & alios, per quos profecisse me non diffiteor. Adjunxi etiam MOSCOVIAE tabulam ex probatissimis Geographis concinnatam. Quod studium meum quin optimam in partem interpretaturus sis, nullus omnino dubito. Vale mi lector, ac σφάλματα, quæ sive calami, sive operarum culpâ irrepsērunt, suo loco restituere.





Russia

I Topogr.

1811

